



Public Domain

Efeso
Kolosi
Taitus

Nek Language

Scripture Portions

This volume contains
Paul's letters to the Ephesians,
Colossians and Titus
in the Nek language,
Morobe province,
PAPUA NEW GUINEA.

Illustrations from the Art for Scripture

First edition 2018 - 50

Ukarumpa, EHP 444, Papua New Guinea

Pauloli kikesikmin Efeso it kwelan kuanj enda manda yout-semguk

E-dakle manda

Pauloli Efeso it kwelan gwilat tipet git no wolok tuop kena tinguk (En-mumulin 18:18-21, 19:2-20:1, 20:17-38 win kawit). Timbi Roma it kwelan it kwambin ginan kimilim papi, amatam Judalok sambat nim Efeso it kwet kandan kungilinj enda manda nin yout-semguk. Efeso wali it kwet pimbinj wandin nim, timbi winasi asup endok ginan nanandinjili minem kwilikwili walangot pat-semliŋguk, kusei wala timbi Pauloli Kunum Yambattok giŋgitjiilok bisik kusei kusei teletelen nimnat nitein sinik pat-semalak win timbi inda-dakle-semektok nandiŋguk.

Paulolok mandan youyoulin patak holok pan wopum tipet win njindij: Kunum Yambatti giŋgitjiila ep tindij kindem kusei kusei ti-semguk (1:3-3:21), wala timbi endi dindimgot ku-ta-ŋalok (4:1-6:20), win “nindi gitik Kunum Yambattok Niŋan nandi-kilikti ti-njimimbi, nandi-sinikta-njimaminj wolok kandan kiupi, nongan papi, bendim nandi-tom-telembi, Kristoli nitek kunguk wolok jimba plon tomnekaminj wolok tuop” (4:13).

Win Kunum Yambatti giŋgitjiila gwilam kusei kusei ikan emgukta timbi (1:3-14), busuk git gembu (1:15-23) wakit kungu komblin win (2:1-10) pat-semalak. Endi Juda amatam wakit sambat no nasi win ep kiulimbi, endi sambat nongan inda-telembi (2:11-18), Kunum Yambattok il wandin indambi kuanj (2:19-22). Wopum Yambat en nandi-sambal pat-sembin pakuk win timbi inda-dakleumbi, giŋgitjiili endok nasingan gumanj samakgan nambi (3:1-13), endok gembin git Kristolok ginan silonj win ka-nandi-daklenekalinj (3:14-21). Windin- da timbi Kunum Yambattok giŋgitjiili kiupi, ginan nongan kulok (4:1-16), kungu komblin kulok (4:17-32), kolsalendok giŋgit wandin dindimgan kulok (5:1-21), nosiingita kindemgan yakayakan kulok (5:22-6:9), timbi Satandok ti-kuyuk ba julunij win mik ti-njiminelinjok ti-pangittam papattok (6:10-20).

We manda

1 ¹Nak Pauloli Kunum Yambattok nandi-samballok tuop Kristo Yesulok en-mumulin ama kumbi, manda nin endok giŋgitjiij Efeso it kwelan kumbi, Kristo Yesu tike-kwambin- danj sinda youp kimit-sambi,

² ʒindij we-samlet: Kunum Yambat nindok Bepni git Wopumni Yesu Kristo endi ginaj kindem ti-sambi, busuk bisikʒat timbi inda-samun.

KristoŒgit gal-pakamiŒda timbi gwilam kusei kusei pat-nimlak

³ Nindok Wopumni Yesu Kristolok Yambal ba Beu, win Kunum Yambat en wakan ni-kindem-daneŒdok tuop sinik. Nekta, nindi KristoŒgit gal-pakamiŒda timbi Kunum Yambatti kunumnan nanin gwilam kusei kusei win gitik nindok woŒni timbi londauktok nimguk pat-nimlak. ⁴ Win endi kunum kwet gama nim ep timbi indaŒipi, endi KristoŒgit gal-pakamiŒ nindi enlok dainan jamilan sisinik, kolan no nimnat wandin enlok giŒgiŒtjii kuneŒdok nip kasileŒguk. ⁵ Win endi ginaj siloŒ ti-nimlakta timbi nip kasileumbi, nindi enlok gwaŒgwan bisalii indaneŒ wala nandum kindem-daumbi, windiŒ ti-nimektok itaŒgan nandi-sambat timbi, nandum teleŒguk, timbi Yesu Kristolok kenanli win wakan timbi inda-nimnguk. ⁶ Win nindi endok NiŒaŒ walen gim sinik Yesu Kristo engita gal-pakamiŒda timbi Kunum Yambatti enlok siloŒ tambongan pama walalannat sinik win tambon nimnat nimnguk, timbi nindi wala kot giŒgit mineŒdok nandi-nimlak.

⁷ Timbi Kunum Yambatti enlok siloŒ tambongan tokŒetokŒen wolok tuopgan Kristolok wekaili yomniŒlok toptop ginaj nanin nip tua-kleŒguk, win nindok mawiwitniŒlok miŒap win gitik wiat-nim-teleŒguk. ⁸ Timbi endi siloŒ tambongan win tokŒetokŒengan nimŒipi, nindi nek Œali biangaŒ sinik tilak win nandi-daklembi, nandi-tomnat kuneŒdok nip timbi paŒgit-taŒguk, ⁹ timbi endi Kristolok kenanli nepek nek timbi indauktok nandi-galk-taŒguk win bo timbi inda-dakle-nimnguk. Win endok nandi-sambal damaŒgan pat-sembin pakuk ¹⁰ win ʒindij: endi nain kimikuk wali indaukak wolonda nepek kunum ginaj ba kwelan pakaŒ win gitik endok kumbamji Kristo endok kapmainan kuneliŒdok ep kiulekak. ¹¹ Timbi Kunum Yambat enlok nandi-galkŒin win kimit-kleŒipi, nepek gitik ep timbi inda-ta-Œalak endi wakan itaŒgan nandi-sambal tiŒguk wolok tuopgan Juda amatam Kristo nandi-kilikti ti-ŒimamiŒ nindi enlok giŒgiŒtjii indambi kuneŒdok nip kasileŒguk. ¹² Nekta, Kunum Yambatti nindi

Kristola damandama sinik nandi-gembilaŋgimiŋdi enlok kusal pama walalannatta timbi enda kot giŋgit mineŋdok nandi-nimlak.

¹³ Timbi Judalok sambat nim sinda bo windiŋgangot inda-samguk, win sindi bo manda bianaŋ sinik, win Kunum Yambatti nitek sapma tikelak, wolok giŋgit manda kindem win nandiŋmbi, kusei kimipi, Kristo nandi-kilikti ti-ŋimiŋgiliŋ, wolonda sindi engita yousiŋgiliŋda timbi Kunum Yambattok giŋgitŋii indaŋgiliŋ, timbi win timbi inda-dakleuktok endi giŋgitŋiila Dindim Woŋ emektok e-kwambiŋ-daŋguk win sinda bo samumbi, Woŋ win endok suaŋin wandin sindok plon palektok kasi-leŋgiliŋ. ¹⁴ Win nindi Kunum Yambattok kusal pama walalannatta timbi kot giŋgit mineŋdok endi nain teleteleŋnan enlok giŋgitŋii nindi kolan giŋgitik wolok giŋaŋ nanin niŋ tua-kle-teleukak, timbi niŋ tua-kle-teleukak wolok tuop endok Woŋinli pat-nim-ta-ŋambi, Kunum Yambatti bisik nimektok e-kwambiŋ-daŋguk win kasilenekamiŋ wolok gembu itak.

Kunum Yambattok kusei waktu bisik ba gembu nitein endok giŋgitŋiila kasileneliŋdok pat-semalak win Efeso nasili ka-nandi-dakleneliŋdok Pauloli nimolo ti-semguk



Illustration by Alice Paschall

¹⁵ Kunum Yambatti telak windiŋ plon gwilam kusei kusei samgukta timbi nak Pauloli sinda timbi nimolo pa tilet. Win sindi Wopum Yesu nandi-kilikti ti-ŋimaŋ, timbi Kunum Yambattok giŋgit-ŋii gitik enda giŋaŋ siloŋ ti-semaŋ, wolok manda kasat win naka nanbi nandiŋgut, walinin bikap man ŋindiŋgit ¹⁶ nak biudikŋe nimnat sinda timbi yousiyou-siŋgan Kunum Yambatta simba kindemda manda pa nilet. Timbi kwapme salau nimolo tilet wolonda nak sinda nandi-sambi, ŋindiŋ ni-nandiilet: ¹⁷ nindok Wopumni Yesu Kristolok Beu pama walalannat, win Kunum Yambat endi nandi-sambi, Dindim Woŋinli sep timbi nandi-tomnat indanekaliŋ, timbi sindi en nandi-sinikta-ŋimineliliŋdok Dindim Woŋdi endok kusei win sinda timbi inda-dakle-samun.

¹⁸ Timbi nak nimolo tilet win Kunum Yambatti sindok ginaj nanandin-jilok dautsi win timbi tombimbi, endi sindi nek kasileneliᅇdok ikan san-tiaᅇumbi, nandi-gembilambi mandi-pakaᅇ win ka-nandi-daklenekaliᅇ, timbi endok giᅇgiᅇtiᅇili bisik pama walalannat tokᅇetokᅇen nitein sinik kasileneliᅇdok kunum ginaj pat-semalak win bo sindi ka-nandi-daklene-kaliᅇ, ¹⁹ timbi endok gembin wali nandi-kilikᅇtiniat ninda paᅇgembila ti-nimlak gembı wolok wopumᅇin engano nitein sisinik win bo sindi ka-nandi-daklenekaliᅇ.

Win gembı wali wakan Kunum Yambatti ²⁰ Kristo timbi gembilaumbi, kimnan nanin timbi milalimbi, kunum ginaj tike-lom, enlok kii dindim kandaᅇ kimilim pipapi, ka-wili-dikᅇ kena pa tilak. ²¹ Win eᅇalo git yal wopuwopum gembinjıat kunum ginaj kumbi, ka-wili-dikᅇ kenan pa taᅇ win gitik Kristoli yapma kle-telelak, timbi endok koi giᅇgit wali ka-wili-dikᅇ gitik endok kosi giᅇgit win yapma klelak, win kot giᅇgit wali loloᅇ sinik tilak. Timbi wali nain kombıktokgot nim, tambo nain gwat kandaᅇ indaukak wolonda bo wiᅇdiᅇgangot loloᅇ sinik palekak. ²² Timbi Kunum Yambatti nepek giᅇtiᅇgitik Kristolok kesi kapmainan patneliᅇdok yapıteleumbi, win giᅇtik yambi-wili-dikᅇelak, timbi en wakan kikesikmindok kumbamᅇi kuuktok kimit-semgukta, ²³ kikesikmindi endok piᅇgiu ba kii kesi tilak. Timbi Kristo kikesikmın yambi-wili-dikᅇembi, paliᅇgembila ti-semalak endi wakan kunum kwet tuop yambi-wili-dikᅇembi, paliᅇgembila ti-semalak.

2

Kunum Yambatti kimlok giᅇgit tiᅇgiᅇinᅇ ninda kuᅇgu komblin nimuk pat-nimlak

¹ Damaᅇgan sinilok mawiwıtsıla ba yomᅇıla timbi sindi ama sembi-sembin wandin nomik Kunum Yambattok dainan kimlok giᅇgit timbi, ² kundit kolan wandin ti-ta-kuᅇgiliᅇ, win sindi damaᅇgan kwelan amatamdok telaksi kolan wakıt Kolan Molom en kimit-kle-ta-kuᅇgiliᅇ. Yal wali yal kolan boᅇᅇip silanin plon kuaᅇ endok wopumᅇi, timbi amatam Kunum Yambattok man mandan giᅇᅇinengan wıkaᅇ endok ginaj nanandinᅇi ginaj man ᅇindiᅇgit kenan pa tilak. ³ Bianᅇgan ᅇak, amatam wandin wali mawıwıt taᅇ, wiᅇdiᅇgangot nıdi giᅇtikᅇi bo dama mawıwıt

tiangimij, win ninilok ginanji damanindok galk kolan win kimit-klembi, nindok piŋgipni git nanandini wali nindi nitek tinejdok nandi-nimguk wolok tuopgan pa tiangimij. Windij tiŋipi, ninilok kusatni kolanda timbi nindi kolan taŋ diwin no gitik endi nomik kolannilok tuan ombi-tikenejdok kimilim pat-nimguk.

⁴ Gan Kunum Yambat busuk mamasa molom endi ginanji silonj wopumgan ti-nimlakta timbi ⁵ nindok mawiwitnila timbi kimlok giŋgit tiŋgimij nindi ŋandin ŋala nandi-nimbi, wandingan embi, Kristoŋgit nip yousimbi, kuŋgu komblin nimguk. Win enlok silonj tambongan wala sinik timbi endi sindi kolanjilok kinjannan nanin sepma tikeŋguk. ⁶ Timbi endi kimlok giŋgit nindi Kristo Yesuŋgit nip yousimbi, engita kimnan nanin nip-mum milatnambi, engita pipapi, ka-wili-dikŋe kena tinejdok kunum ginanji nipikuk. ⁷ Kunum Yambatti windij ti-nimguk ep tindij wali en timbi pangittaumbi, endi ginanji silonj ti-nimŋipi, Kristo Yesuŋgit nip yousimbi, nipma tikeŋguk nain wolonda silonj tambongan nitein sinik, win teletelen nimnat ba tokŋetokŋen wandin sinik win ti-nimguk win nain gwat kandanji gumanji timbi inda-dakleukak. ⁸ Nekta, sindi kolanjilok kinjannan nanin sinila sapma tikenelindok tuop nim. Tambo Kunum Yambatti silonj tambongan ti-sambi, sinilok nandi-kiliktinjila timbi sapma tike-teleumbi, kindem pakaŋ. Endi silonj tambongan win silonj wandin sinda samguk, ⁹ win sinilok ep tindijji kindemla timbi win nim kasileŋgijij, wala timbi ama noli enla “Nak natna yomnalok kinjannan nanin nepma tikeŋgut” windij eŋipi, siŋgin tike-louktok tuop nim. ¹⁰ Win nindi man ŋin amatam nitein sinik win Kunum Yambat en wakan nip timbi indangimij. Win endi nindi ep tindij kindem kusei kusei tinejdok nandi-nimbi, win itangan sambae-nimguk, timbi nindi win kimit-klem tinejdok Kristo Yesuŋgit nip yousi-galimbi, nip timbi kaiktaŋgimij.

**Kunum Yambatti sambat diwin no nasi win bo enlok ep kasileumbi,
endi Juda amatam engita yakan sambat nongan indambi,
Kunum Yambattok giŋgitniji kuan**

¹¹ Kunum Yambatti silonj tambongan wandin ti-samgukta timbi Efeso nasi sindi damangan nitein kuŋgijij win nim nandi-kamalanekalij. Win

sindi Juda amatam nim indaindan, timbi Juda amali piŋgiŋpsi plon kitti dombi gul tindin kusei wala timbi nisila ‘nindi dombi gulniat’ windiŋ kitimbi, Juda ama nim sinda ‘dombi gulji nimnat’ windiŋ pa sep kitimbi, sinda nandum paŋ. ¹² Sindi Kunum Yambattok giŋgitji gama nim indaŋgiliŋ nain wolonda sapma tiketikelok Mesia nim pat-samguk, timbi sindi Kunum Yambattok giŋgitji Israel amatam endoŋnan nanin nim. Timbi Kunum Yambatti giŋgitji engita e-top timbektok e-kwambiŋda manda enguk wolok bien wali pawan nasi sindok nim pat-samguk. Bianŋan ŋak, nain wolonda sindi Kunum Yambattok giŋgitji nim, tambo sindi kwelandok giŋgitji wandin slak kuŋipi, Kunum Yambatti sindi sapma tikeuktok nandi-gembilambi mandi-pat windiŋ nim tiŋgiliŋ. ¹³ Win sindi damaŋgan Kunum Yambattoŋnan nanin mayanŋan kuŋiliŋ, gan Kristo Yesulok wekaili telak dili-tom-sambi sanaŋgilimbi, man ŋindiŋgita sindi engita gal-paliŋipi, Kunum Yambattok ŋasiŋgan pa kuaŋ.

¹⁴ Win Juda amatam git sambat no nasi nindi dama niŋiŋgan kanjik timbi tambikimiŋ, timbi kanjik kuŋu wali kimit-sip kwambiŋ wandin ikan nip tambikuk, gan Kristo en wakan win wiat kopi, busuk kuŋu timbi inda-nimbi, nini gitik nip kiulimbi, sambat noŋgangot inda-telembi kuamiŋ. ¹⁵ Win nindi gitik Kristoŋgit yousimbi, engita gal-pakamiŋda timbi kiupi, ama sambat tiŋpettok kinjan sambat komblin noŋgan indambi kuneŋdok Kristoli tambitambittok kusei wiat kokuk, win Juda amatamdi Kunum Yambattok dainan tuop tineliŋdok e-dikŋe manda ba kimit-sip manda kimit-kleangiliŋ wolok gembin win enlok kimkimŋinli ep timbi lakataumbi, telak windiŋ plon Juda amatam git sambat no nasi nindok boŋgiŋninan busuk kuŋu win timbi inda-nimuk. ¹⁶ Timbi endi kloŋbat plon kimguk wali kanjik kuŋu win timbi teleumbi, ama sambat komblin noŋgan indaŋgimiŋ nindi gitik nip timbimbi, bindambo Kunum Yambattok nolii indaŋgimiŋ. ¹⁷ Windiŋda timbi sambat no nasi sindi dama Kunum Yambattok ŋasiŋgan nim kuŋipi, mayanŋan kuŋiliŋ waktu Juda amatam nindi endok ŋasiŋgan kuŋgimiŋ nindi gitik Kunum Yambattok busuk kuŋu win kasilenambi, wali pat-nimektok Kristoli ama indambi, giŋgit manda kindem win e-sapakŋenguk. ¹⁸ Nekta, endok kenanla timbi Dindim

Woŋdi Juda amatam git sambat no nasi nindi gitik nip timbi paŋgit-taumbi, Bep Yambattok dainan loneŋdok tuop tamiŋ.

Yesulok kikesikmin endi Kunum Yambattok il wandin

¹⁹ Windaŋda timbi Kunum Yambattok giŋgitŋiilok boŋgipsinan sambat no nasi sindi ama yok ba kwet no nasi wandin nombo nim kuaŋ. Tambo sindi Kunum Yambattok giŋgitŋii endok nosii sinik ba endok sambalii sisinik indaŋgiliŋ kuaŋ, ²⁰ timbi endok giŋgitŋii diwin no engita sindi Kunum Yambatti it mambi it-ta-ŋalak wandin. Endi it win en-mumulin git profet amalok kenanjilok plon kusei kimikuk, timbi Kristo Yesu en it wolok ta paliŋgembilaŋin sinik. ²¹ Timbi sindi it wolok dipdip gitik wandin endi wakan sep kiupi yousumbi, sindi tambo gali timbi, bendim nandi-tombimbi, Wopumdok il giŋgi sinik wali indambi, bendim wopum-dalak. ²² Biaŋgan ŋak, Juda amatam nim sindi bo Kristoŋgit gal-pakaŋda timbi Kunum Yambattok giŋgitŋii diwin no engita yousimbi, endok Woŋinli it wolok giŋaŋ kuuktok indaŋ.

3 Kunum Yambattok nandi-sambal pat-sembin pakuk win Paulola timbi inda-dakle-ŋimiumbi e-sapakŋeŋguk

Kunum Yambatti ep tindaŋ kindem wandin sinda ti-samgukta timbi nak Pauloli nimolo pa ti-samlet. Biaŋgan ŋak, nak sambat no nasi sindok boŋgipsinan Kristo Yesulok kenan pa tiletta timbi it kwambiŋ giŋaŋ napikiliŋ patet, ² timbi sindi nokok kandaŋ ikan nandi-teleaŋ bek win Kunum Yambatti siloŋ ti-



nambi, nak giŋgit manda kindem win sambat no nasi sinda sanba sapakŋeuktok nanbi teleŋguk, ³ win enlok nandi-sambal pat-sembin pat-ta-biŋguk win naka nan-siwipi, timbi inda-dakle-namguk. Nak wolok plon manda dumangan ikan youlat, ⁴ timbi sindi manda win pinakaŋda, gumaŋ ka-nandi-daklenekaliŋ win Kunum Yambattok nandi-sambal Kristolok plon pat-sembin pakuk win nak nandi-dakle-telelet.

⁵ Damaŋgan Kunum Yambatti nandi-sambat pat-sembin win ama sambat inda-ta-biŋgiliŋ enda nim timbi inda-dakle-semguk, gan kombit-mek enlok Woŋinli nandi-sambat win en-mumulin git profet ama enlok kenan tineliŋdok ep kasileŋguk endamek timbi inda-dakle-sem-telelak. ⁶ Nandi-sambat wali ŋindiŋ: sambat no nasi endi giŋgit manda kindem win nandi-kwambiŋ-daŋda timbi Kristo Yesuŋgit gal-pakaŋ, wala timbi endi Kunum Yambattok giŋgitjiilok bisik pat-semalak win Judalok sambat nandi-kiliktiinjiat engita yakan kasilenekaliŋ, timbi engita yakan piŋgipsi nonggan timbi kuaŋ, timbi engita yakan Kunum Yambatti amatamjiila nitek ti-semektok en-kwambiŋ-daŋguk win kasilenekaliŋ. ⁷ Win nak giŋgit manda kindem sisinik wandin wolok kenan gwaŋgwa indaut-tok Kunum Yambatti siloŋ ti-nambi, enlok gembimli nep timbi paŋgit-taŋgut.

⁸ Bianŋan ŋak, Kunum Yambattok giŋgitjii gitik endok bonggipsinan nak ŋandin ŋali siŋgi sisinik wandin, ganmek endi kena loloŋ engano win namguk. Win ŋindiŋ: Kristo en bisik teletelen nimnat wolok molom kusei sinik, timbi nak wolok plon giŋgit manda kindem win sambat no nasila en-saktambi, ⁹ Kunum Yambatti nandi-sambal pat-sembin pakuk wolok bien win telak nitek plon timbi indalak win amatam gitikta pa timba inda-dakle-sem-telelak.

Kunum Yambat nepek gitik ep timbi indaŋguk endok nandi-sambal wali nain kusei kimikimilinnan naningan pat-sembin pat-ta-biŋguk ¹⁰ win kusei ŋindiŋda: endi Kristolok kenanli kikesikmin ep timbi indaŋguk wali enlok nanandi-tom kusei kusei win nain ŋolonda woŋ ba ka-wili-dikŋe kunum giŋaŋ kuaŋ enda timbi inda-dakle-semektok nandiŋguk. ¹¹ Endi wiŋdiŋ timbektok nain kusei kimikimilinnan naningan nandi-sambae-ta-biŋguk, timbi nindok Wopumni Kristo Yesulok kenanli win wakan timbi indaŋguk. ¹² Timbi nindi Wopumni Yesu Kristo en nandi-kiliki ti-ŋimimbi, engit gal-pakamiŋ, wala timbi nindi misimisi nimnat Kunum Yambattok dainan samakgan loneŋdok tuop tamiŋ.

¹³ Wiŋdiŋda timbi nak giŋginengan ŋindiŋ san-nandilet: nak sambat no nasi sinda timbi piŋgip gawalat milap bemlet wala sindi nim nandi-milaptanekaliŋ. Tambo sindi wala siŋginji tike-lonekaliŋ.

**Efeso nasili Kunum Yambattok gembin gît Kristolok ginaj silon win
ka-nandi-daklembi, Kunum Yambat nomik indaneliḡdok
Pauloli wala nimolo tiḡguk**

¹⁴ Kunum Bepnili nepek kindem wandin ti-samgukta timbi nak endok dainan milelem ti-ḡimimbi, ¹⁵ endi kwelan ba kunum ginaj kuanḡ gîtik endok ama kusei sinik, wala timbi nak enda nimolo ti-ḡimilet win ¹⁶ bisik pama walalannat tokḡetokḡengan palimilak wolok tuopgan endi nandi-samumbi, endok gembini Dindim Woḡdi sindok ginajni tip win ep timbi gembilauk, ¹⁷ timbi sindi Kristo nandi-kilikti ti-ḡimaḡda timbi endi sindok ginajni ginaj papat kwambiḡgan kuukak, timbi sindi komba kakai sakḡen wandin nomik ginaj silon tike-kwambiḡ-dambi, ku-kwambiḡ-danḡ, wala timbi ¹⁸ sindi Kunum Yambattok ḡiḡḡitḡii gîtik engita Kristolok ginaj silon wolok pindimḡin gît ombapḡin waktu loloḡin ba pimbiḡin wali nitein sinik win ka-nandi-dakleneliḡdok tuop tinekalij. Win Kristolok ginaj silon wali teletelen nimnat sinik, ¹⁹ timbi wali nindok nanandini makle-telelak, ganmek sindi nepek gîtiktok kandaḡ Kunum Yambat nomik tokḡetokḡengan indaneliḡdok nak sindi Kristolok ginaj silon win kuḡḡunḡi ginaj ka-nandinelijdok nimolo pa tilet.

²⁰ Timbi Kunum Yambattok gembini nindok ginajni ginaj kenan tilak gembini wolok kandaḡ win ḡindiḡ: endi enlok gembini nepek wopum sisinik timbektok tuop, win endi nindok ni-nandini ba kimit-nandini win gîtik maklembi tokḡe-sinik-tauktok tuop tilak, ²¹ wala timbi sot kambaḡ-dok sambat komblindi gamanda inda-ta-lonekalij wolok tuop kikesik-min gît Kristo Yesuli Kunum Yambattok kusei engano win timbi inda-daklelakta timbi endi nain teletelen nimnat kot ḡiḡḡit tike-ta-ḡawin. Win bianiḡan.

**4 Kunum Yambattok Woḡdi niḡ
kiulimbi, ginaj nongan kulok**

¹ Nak Wopum kimit-kleletta timbi it kwambiḡ ginaj nambium patetti ḡiḡḡi-nengan ḡindiḡ san-nandiilet: Kunum Yambatti sindi enlok ḡiḡḡitḡii kuneliḡ-




Illustration by Alice Paschal

dok san-tiaņęgukta timbi sindi endok giņęitiņiili nitek kuumbi, tuop tilak kuņgu wolok tuopgan kunekaliņ. ² Win nain tuop sindi giņaņęili kayombinemi, giņaņ busukņat kunekaliņ, nandi-busuk tinekaliņ, timbi giņaņ siloņ tambo tambon taņda timbi mamasa tinekaliņ, ³ timbi Kunum Yambattok Woņdi sep kiukukta timbi sindi kiupi, nonņan pat-ta-ņaneliņdok gemi kopi, busuk kuņgu wali sep yousilak win tike-kwambiņ-danekaliņ.

⁴ Nandi-kiliktiņiat nindi piņęip nonņan tamiņ, timbi Woņ nonņangot endi nindok giņaņni giņaņ kulak, windiņęangot nini gitik bisik nonņangot kasilekasilela nandi-gembilambi mandi-patneņdok Kunum Yambatti nin-tiaņęguk. ⁵ Timbi nindok Wopumni bo nonņangot patak, timbi nindi telak nonņangot wolok plon en nandi-kilikti ti-ņimamiņ, timbi endok gwaņęwaņii indaneņdok yatnaņ tuk nonņangot iņęimiņ. ⁶ Timbi nindi Kunum Yambat en nonņangot kimit-kleamiņ. Endi amatam gitik nindok Bepni, timbi endi wakan nini gitik nimbi-wili-dikņemi, nini gitik paņęembila ti-nimbi, nini gitik nindok giņaņni giņaņ ku-ta-ņalak.

⁷ Ņalimek, Kristoli nindi nonņan nonņanda enlok giņaņ siloņ tokņe-tokņen wolok tuopgan siloņ molom molom nimumbi pat-nimlak. ⁸ Win manda iņdiņ youyoulin patak wolok tuop, “Endi gwat sinik wandiņ loņępi, mik giņaņ kanjikņii yapma epguk win yanęęip loņęuk, timbi nolii-la nepenepek kindem win siloņ emguk.” ⁹ Ale, “Endi gwat loņęuk” manda wolok kusei win nitek? Kristolok kandaņ manda wolok kusei win iņdiņ: endi dama kwet pi-sinik-tannan bo ikan piņęuk. ¹⁰ Windiņda timbi kwelan piņęukti kunum giņaņ loņęuk win en wakan, win endi wandiņ undane lombi, kunum kwet tuop ka-wili-dikņe kena timbektok pipapipat loloņ sisinik win kasileņęuk. ¹¹ Timbi endi siloņ iņandin nimęuk: endi ama diwinda en-mumulin kena emguk, timbi diwinda profet manda eeņ ba giņęit manda kindem eeņ kenan emguk, ba kikesikmin yambi-dikņe kenan ba eni-daut ti-semsem kenan emguk. ¹² Win kusei iņdiņda: ama sambat wali Kunum Yambattok giņęitiņiili plap kenan tineleņdok ep timbi paņęittaumbi, telak wolok plon Kristolok piņęiu, win kikesikmin, endi bendim nandi-tomnekaliņ, ¹³ win nindi gitik Kunum Yambattok Niņaņ nandi-kilikti ti-ņimimbi, nandi-sinikta-ņimamiņ wolok kandaņ kiupi,

noŋgan papi, bendim nandi-tom-telembi, Kristo en nittek kuŋguk jimba wolok plon tomnekamiŋ wolok tuop.

¹⁴ Wolonda nindi ŋakŋak wandin nombo nim kunekamiŋ. Win ama julunjulundok endi e-daut mandanjili ti-kuyuk ti-nimbi, nip timbi kama-lanelindok tuop nim, wala timbi nepek nandi-kwambiŋ-damiŋ wolok kandaŋ sasaleli komba no pendilim, ŋaŋambit tilak wandin nindi dikŋa-em ŋa-bit nombo nim tamiŋ. ¹⁵ Tambo nindi ginaŋ siloŋ tambo tambon tiŋipi, giŋgit manda kindem biangan sinik wolok tuopgan ku-ta-ŋamiŋ, wolonda nindi bendim nandi-tombi, telak gitiktok kandaŋ Kristo en nomik indanekamiŋ. Endi nindok kumbamni, ¹⁶ timbi kikesikmin nindi endok piŋgiu. Win ŋindiŋ: piŋgip noli toan ba ikil ba klup palimilak wali gitik piŋgip dipdip tuopgan ep kiukaŋ, timbi tikap piŋgip dipdip gitikti nisilok kenanji ti-kiliŋ taŋda, piŋgip wali bendim wopum-dalak. Windiŋ-gangot tikap nindi gitikti ginaŋ siloŋ tambo tambon tiŋipi, Kristoli kenan kimit-nimtuk win tamiŋda, endi kikesikmin nindi nip timbi paŋgit-taumbi, nindi bendim nandi-tombi kwambiŋ-damiŋ.

Kuŋgu komblin kulok

¹⁷ Windiŋda timbi Wopumdi gembu namtuk wolok tuopgan nak giŋgi-nengan ŋindiŋ sanlet: sindi amatam Kunum Yambat nim nandi-ŋimaŋ endi kuaŋ windiŋ nombo nim kunekaliŋ. Nekta, endi nisilok nanandiniŋ tial win kimit-klembi pa kuaŋ, ¹⁸ timbi endok nandi-daklenjili ikan kama-laŋguk wali nek ŋali biangan tilak win ka-nandi-daklenelindok tuop nim. Timbi nisilok ginaŋ kwambiŋjila timbi Kunum Yambatta nandi-ŋimine-lindok nim nandaŋ, timbi Kunum Yambatti enlok giŋgitjiila kuŋgu sisinik emlak wali endok nim pat-semalak. ¹⁹ Endi ama sasaensi inda-telembi, ti-bomoe kusei kusei tinelindok kuŋgunji bi-telembi, kundit wandin ti-sinik-tanelindok yousiyouŋgan ti-kimbikimbiŋe pa taŋ.

²⁰ Gan Efeso nasi sindala telak windiŋ plon Kristo kimit-klenelindok san-daut nim ti-samsamin. ²¹ Win sindi endok giŋgit manda kindem win nandimbi, engita youŋgiŋliŋ, wolonda Yesulok telak biangan tilak win kimit-klenelindok san-daut ti-samsamin. ²² Win sindok kuŋgunji damaninlok kandaŋ win ŋindiŋ tinelindok san-daut ti-samsamin: sindok nandi-

galksi kolan wali julujit ti-sambi, ginanji timbi kolanguk, wala timbi sindi ginanji damanin win kle kokottok, ²³ timbi Kunum Yambatti sindok ginan nanandinji timbi kaikta-ta-kuuktok enda nandi-tele-nimilok, ²⁴ timbi sindi ginanji komblin Kunum Yambatti enlok ginan wandin nomik indauktok timbi inda-samguk win tike dasilok, win sindi biangan dindim ba jamilan sisinik indaindalok.

²⁵ Windinda timbi sindi manda julungan nombo nim enekaliŋ, tambo kikesikmin nindi pingip nongan wolok pingiu dipdip kuaminda timbi notniila manda biangangot enlok. ²⁶ Timbi tikap sindok ginanjili komba diukta, kilanmet! Nim kanbi, sindi gimbitsila timbi yom tineliŋ, ba gimbit ombap ti-palim, maimdi piumbi, ²⁷ telak windiŋ plon Kolan Molomdi juluj ti-samektok bajak bi-niminelin. ²⁸ Timbi kumbu amali kumbu nombo nim tilok, tambo endi kena meŋ timbi, amatam ti-lonji-lonji ti-ta-kuan enda bo plap ti-semektok enlok kiili nepek kindem walaŋgot kena tilok. ²⁹ Timbi sindi manji ka-wili-diknemi, manda kolan no nim enekaliŋ. Tambo amatam sindok manji mandanji nandan enda bien kindem inda-semektok endi nekta tipikan wolok tuop sindi ep timbi gembilanelindok manda kindemgot eninekaliŋ.

³⁰ Timbi nim kanbi, sindi Kunum Yambatti Dindim Woŋ samguk endok simbai timbi bipmek. Nekta, Dindim Woŋ endi Kunum Yambattok suaŋin sindok plon patak wandin, timbi endi wakan gembu itak win nain teleteleinnan Kunum Yambatti enlok giŋgitji sindi kolan gitiktok ginan nanin sep tua-kleukak. ³¹ Sindi nandi-kola ba gimbit ba ginan gimbit ba kiti-kot saŋan ba e-kola waktu nanandi ba ep tindiŋ kolan diwin no gitik win ep kle kopi, ³² wolok kinjan ginan kindem ba ginan busuk tambo tambon tinekaliŋ, timbi Kristolok kenanla timbi Kunum Yambatti sindok yomji win siloŋ wandin tambon nimnat bi-samguk, windiŋgangot sindi bo nosiilok yomji siloŋ wandin tambon nimnat bi-semnekaliŋ.

Kolsalendok giŋgit wandin dindim kulok

5 ¹ Sindi Bep Yambattok gwangwa bisalii en ginan siloŋ ti-samlak wandin, wala timbi endok wekat klenekaliŋ. ² Win Kristoli ginan



Copyright © Global Recordings Network. Used with permission.



siloŋ ti-nimbi, niŋma tikeuktok kim-nimbi, enlok kuŋgun Kunum Yambatta tapma ti-ŋimumbi, wala nandum kindem-danguk, windiŋgangot sindi bo giŋaŋ siloŋ tindilok telak win kimit-klembi kunekaliŋ. ³Timbi sindi wapatam kuŋgulok telak win joŋgo

kuŋgu ba ep tindiŋ mayektan gayangayaŋen kusei kusei ba kwelandok nepenepekta ti-kimbikimbiŋe windiŋ nim tinekaliŋ. Timbi wingot nim, sindok boŋgipsinan ep tindiŋ wandin wolok plon manda no nim enekaliŋ. Nim sinik. Nekta, wali Kunum Yambattok giŋgitŋilok tuop nim tilak. ⁴Timbi manda mayekŋat ba manda kaman ba manda winjit eej wali bo tuop nim. Tambo sindi simba kindemda manda pa enekaliŋ. ⁵Nekta, sindi ŋindiŋ nandi-daklenekaliŋ: telak joŋgo pa kuaŋ ba ep tindiŋ mayektan gayangayaŋen wandin win pa taŋ ba kwelandok nepenepekta ti-kimbikimbiŋe timbi, win yambatsi wakan pa ep kimit-kleaŋ endoŋnan nanin noli Kristo git Kunum Yambattok itset kwesetnan bisik kasilene-liŋdok no nim pat-semalak. Nim sinik. ⁶Win ep tindiŋ kolan wandin wala timbi Kunum Yambat enmek mawiwit taŋ enda kolanjilok tuan ombi-semekak, wala timbi sindi ka-kiliŋ-ewit! Nim kaŋbi, ama noli manda juluŋit, bien nimnat plon sindi ep tindiŋ kolan wandin win tineliŋdok san-tiaŋeneliŋ.

⁷Windiŋda timbi sindi mawiwit taŋ engita yakan nepek no nim tinekaliŋ. ⁸Win sindi damaŋgan kilim giŋaŋ kuaŋgiŋ, gan man ŋindiŋgit Wopumgit gal-pakaŋda timbi kolsalen giŋaŋ kuaŋ, wala timbi sindi kolsalendok giŋgit kunekaliŋ, ⁹win ep tindiŋ kindem ba dindim ba biaŋgan sinik win gitik kolsalendok bien wandin ep tinekaliŋ, ¹⁰timbi Wopumdi ep tindiŋ nek ŋala nandum kindem-dalak win timbi indauktok gembu kotnekaliŋ. ¹¹Timbi sindi kilimdok ep tindiŋ bien kindem nimnat wandin win taŋ engita yousimbi, nepek no nim tinekaliŋ. Tambo sindi endok ep tindiŋji kolan wolok kusei win timbi inda-dakleukak. ¹²Nekta, endi ep tindiŋ sembin nitein pa taŋ nak wala eela mayektalet, ¹³ganmek kolsalendi ep tindiŋ kolan gitiktok kusasi win timbi inda-dakleumbi, indaŋgan

patak. ¹⁴ Nekta, kolsalendi nepek kilim ginaŋ patak wolok plon koli sale-lakta, nepek wali bo kolsalen ginaŋ inda-daklelak. Kusei wala timbi ama dou-pakaŋ wandin nisiłok yomji nim ka-daklembi, kimlok giŋgit kuaŋ endok kandaŋ win ŋindaŋ youyoulin patak, “Dou-pataŋ dik dounnan nanin silikŋeukaŋ, timbi kimnan nanin kaiktambi miłalekaŋ, timbi Kristo en koli sale-gamekak.”

Nandi-tomniat kulok

¹⁵ Windiŋda timbi sindi kuŋgunji ka-kiliŋ-enekaliŋ, win ama kamaŋi wandin nim kunekaliŋ. Tambo sindi ama nandi-tomjiat wandin kunekaliŋ, ¹⁶ timbi nainji nim timbi kolanekaliŋ. Nekta, man ŋindaŋgitta kundit kolandi saktalak. ¹⁷ Windiŋda timbi sindi nim nandi-kamalam kunekaliŋ, tambo Wopumdi sindi nitek kuneliŋdok nandi-samlak win ka-nandi-daklembi kimit-klenekaliŋ. ¹⁸ Timbi sindi tuk kwambiŋ asup nambi, kamakama nim tinekaliŋ. Nekta, tuk kwambiŋ wali sananŋipi, sep timbiŋ jonŋo kuumbi, kuŋgunji kolalak. Tambo sindi nain tuop Kunum Yambattok Woŋinli tokŋe-sambi sananŋilektok nandi-tele-ŋiminekaliŋ. ¹⁹ Win sindi kap Juda amatamdi pa tiaŋ git ni-ta-lo kap wakit Dindiŋ Woŋdi kap komblin samlak win tambo ti-ŋimi ti-ta-kunekaliŋ, timbi ginaŋji gitikti Wopumda kap ti-ŋimimbi, titi giŋgili kindekindem wakit ti-ŋiminekaliŋ, ²⁰ timbi nain tuop nindok Wopumni Yesu Kristolok koi plon nepek gitikta Bep Yambatta we-ŋiminekaliŋ, ²¹ timbi Wopumji Kristo kimit-kleneliŋdok sindi noŋgan noŋgandi nandi-koŋgomnatgan nosiilok kapmainan kunekaliŋ.

Notniingita yakayakan nitek kulok

²²⁻²³ Kikesikmindi Kristolok piŋgiu sinik, timbi Kristoli win yapma tikenŋukta timbi endok kumbamji ba ka-dikŋenji sinik kulak, windiŋgan-got amali taminlok kumbam ba ka-dikŋen sinik kulak, wala timbi tam wapatsiat sindi Wopumdok kapmainan kuaŋ, windiŋgangot siniłok wapatsiłok kapmainan kunekaliŋ. ²⁴ Win kikesikmindi Kristolok kapmainan kuaŋ, windiŋgangot tam wapatsiat endi nepek gitiktok kandaŋ nisiłok wapatsiłok kapmainan kulok.

²⁵ Timbi ama tamjiat sindila Kristoli kikesikminda ginaŋ siloŋ ti-semguk windiŋgot tamjiila ginaŋ siloŋ ti-semnekalij. Win Kristoli kikesikminda ginaŋ siloŋ ti-sembi, nandi-kongomnatgan kim-semguk ²⁶⁻²⁷ win kusei ŋindiŋda: endi kikesikmindi kolan no nimnat, jamilan sisinik wandin indambi, Kristo enlok dainan wanda ba kolop wandin nimnat piŋgipsi walan win pama walalannat sinik tineliŋdok nandi-semguk, wala timbi kikesikmindi giŋgi sinik ba jamilan sisinik indaneliŋdok Kristoli enlok man mandan wakıt tukti ep timbi jamilanŋuk. ²⁸ Ale, kikesikmindi Kristolok piŋgiu sinik, timbi Kristoli enda ginaŋ siloŋ ti-sembi yambidikiŋelak, windiŋgangot amali enlok taminla ginaŋ siloŋ ti-ŋimimbi, enlok piŋgiula nandilak windiŋgangot taminla bo nandi-ŋimilok. Bianŋan ŋak, endi piŋgiŋset nonŋan tamikta timbi taminla ginaŋ siloŋ ti-ŋimilak endi wakan enla ginaŋ siloŋ tilak. ²⁹ Timbi ama nindi sinik enlok piŋgiula nandi-kunjit ti-ŋimek? Ama wandin no nim. Tambo endi enlok piŋgiu towimbi, ka-dikiŋe-kiliŋ ti-ta-kulak, win Kristoli kikesikminda ginaŋ siloŋ ti-sembi yambidikiŋelak wandin. ³⁰ Nekta, kikesikmin nindi Kristolok piŋgiulok dipdip wandin kuamiŋ.

³¹ Win manda no ŋindiŋ youyoulin patak wolok tuop, “Kusei wala timbi amali meŋ beu yambik bimbi, tamiŋit gal-kwambiŋ-daumbi, endi piŋgiŋset nonŋan indamik.” ³² Manda wolok ginaŋ kusei pat-sembin wopum sinik patak, gan nakta nandiŋlet win “endi piŋgiŋset nonŋan indamik” manda wolok bien win Kristo giŋ kikesikmin endok plon bo e-yout tilak. ³³ Ganmek wapatam sinilok kandaŋ win ŋindiŋ: sindonnan nanin ama nonŋan nonŋandi nisila ginaŋ siloŋ taŋ windiŋgangot tamjiila ginaŋ siloŋ ti-semlok, timbi tam nonŋan nonŋandi wapasila nandum nisilok lolonji timbimbi, wolok tuopgan ti-semlok.

6 ¹ Wembe gwaŋgwa, sindi Wopum Yesuŋgit gal-pakaŋda timbi meŋji bepsiŋlok mandanji taŋgonembi kimit-klenekalij. Nekta, sindi windiŋ taŋ wali dindiŋ sinik tilak. ² Bianŋan ŋak, Kunum Yambatti e-dikiŋe manda ŋin kimit-nimnguk wali nain dama sinik endi e-dikiŋe manda nolok plon e-kwambiŋda manda no yousimbi, meŋ beptok kandaŋ ŋindiŋ eŋguk, “Dik meŋga bepgala nandum lolonji timbimbi, wolok tuopgan ti-semekaŋ. ³ Tikap dik windiŋ timbekaŋda, kwelan nain ombapgan ku-

kindem-dambi ku-ta-ḡaukaḡ.” ⁴Timbi meḡ bep sindok ep tindiḡji ba mandanji kwambiḡ wali gwaḡgwa bisatsilok ginaḡji youlimbi, komba dilak windiḡ nim pa ti-semnekalij. Tambo sindi ep towim yanangipi, telak Wopumdok dainan tuop tilak wolok plon ep ti-dindim-embu, eni-daut ti-semnekalij.

⁵Kena gwaḡgwa silanin sindi ginaḡji dindimli Wopumji Kristo kimit-klembi ka-giḡgi ti-ḡimimbi, endok dainan pipipipila misiḡ, windiḡgangot molomji kwelan kuaḡ enda ti-semnekalij. ⁶Win endok dausinaḡot ba endi sambu-nandum kindem-daneliḡdokgot windiḡ nim tinekalij. Tambo sindi Kristolok kenan gwaḡgwa silanin wandin ginaḡji giḡtikti Kunum Yambattok nandi-galkḡin kimit-kleaḡ, windiḡgangot molomjila ti-sembi, ⁷nandi-galkḡatḡan kenanji ti-semnekalij, win sindi kenanji win Wopum Yesu enla ti-ḡimineliḡ wandin, ama silanin nola nim. ⁸Timbi nim nandi-kamalanekaliḡ win nindi kena gwaḡgwa silanin ba nindi ku-samaktan wandin, nindi giḡtik nepek kindem win ba win tineḡ giḡtik wolok tuan kindem win Wopumdi ombi-nimekak.

⁹Timbi molomji sindi windiḡgangot kena gwaḡgwanji silanin enda ti-kindekindem ti-semnekalij, timbi eni-misimisi nombo nim ti-semnekalij. Nim kaḡbi, sindi sini wakiti endok Molomji noḡḡan Wopum Yesu endi kunum ginaḡ kulak, timbi endi amatam giḡtikta tuop noḡḡan pa ti-semnak win nandi-kamalaneliḡ.

Satandok ti-kuyuk ba juluiḡ win mik ti-ḡimineliḡdok ti-paḡgittam kulok

¹⁰Sindi niteḡ kuneliḡdok manda yout-samiti win ewa teleuktok nak ḡindiḡ sanlet: sindi Wopumgiḡ gal-pakaḡda timbi enlok gembu wopum wali sep timbi gembila-ta-kuuktok nandi-tele-ḡiminekalij. ¹¹Timbi sindi Kolan Molomdok ti-kuyuk ba juluiḡ win gumaḡ giḡḡinembu, pipipipi nimnat it-kwambiḡ-daneliḡdok Kunum Yambatti miktok nepenepek ba dasindasi samlak win giḡtik epbi dasinekalij. ¹²Nekta, nandi-kiliktiḡiat nindi gembu kopi, mik-tawa tamiḡ win ama piḡḡipsiat ba wekatsiat engita nim. Tambo win asi ba yal kolan wakiti ka-wili-dikḡe ba gembu molom kwet kilime patak ḡandiḡ ba boḡḡip silanin plon kumbi, kolan kusei

kusei gitik win ka-wili-diknean enda wakan mik ti-semamij. ¹³ Kusei wala timbi nain kolan inda-samlak tuop sindi kanjikti mik ti-saman win gijginengan mik tambon ti-sembi, pipipipi nimnat mik teleteleennan gama it-gilim-dambi itneljodok Kunum Yambatti miktok dasindasi ba nepenepek samlak win gitik epbi dasinekalij.

¹⁴ Ale, sindi mik ginaj it-gilim-dam itneljodok njindij ti-pangipangile tinekalij: amali samasamakgan kuuktok biŋgwilapti dasindasin ombap tem-gilim-dalak wandin nomik sindi nain tuop manda biangan sinik win tike-gilim-da tinekalij, timbi dindim kungu win miktok souloj masi-masip kwambij wandin sep kamaiuktok dasinekalij, ¹⁵ timbi ti-pangittam patneljodok gijgit manda kindemdi busuk kungu samlak win kesisi gwilap wandin dasinekalij. ¹⁶ Timbi wingot nim. Sindok nandi-kiliktinji



Copyright © Global Recordings Network. Used with permission.

win miktok masimasip wandin tike-kwambij-danekalij, nekta, wali sep timbi pangittaumbi, sindi Kolan Molomdok basam komba mambennat win wili kimneljodok tuop. ¹⁷ Timbi Kunum Yambatti ikan sapma tikeŋguk nanandi win

sindi kusa bundi kwambij wandin nanandinji kamaineljodok tikembi jipnekalij, timbi Kunum Yambattok mandan youyoulin patak win Dindim Woŋdi kakit ombap samlak wandin tike-kwambij-dambi, wali kanjikta mik ti-semnekalij.

¹⁸ Windij tijipi, Dindim Woŋdi sananjitak wolok tuopgan sindi nain tuop nimolo ba e-nandi kusei kusei plon Kunum Yambatta nimolo ti-njimekalij. Timbi windij tineljodok sindi ka-kilij-embij gijginembi, Kunum Yambattok gijgitnii gitik enda nimolo ti-sem-ta-kunekalij.

¹⁹ Timbi sindi naka bo nimolo ti-namnekalij, win nak kwapme salau manda euttok kusei kimitet wolonda Kunum Yambatti nak nek eelok win nanbi nandimbi, gijgit manda kindem wolok kusei damangan pat-sembin pakuk win samakgan ewa inda-dakleukak, ²⁰ win endi nak manda win eelok nanbi teleumbi, eŋgutta timbi it kwambij ginaj napilim patetti manda win nitek eelok wolok tuop samakgan ewa.

Eu-teletele manda

²¹ Ale, nak nitek kulet ba kena nek tilet win sindi bo nandineliḡdok nindok notni kindem nandi-kiliktinat koi Tikikus en Wopumdok kenan tike-kwambiḡ-dalak endimek kasat gitik ti-samekak. ²² Win notnai nindi nitek kuamiḡ win sindi nandineliḡdok, timbi endi sindok ginaḡ nanandinji ep timbi gembilauktok, kusei wala sinik timbi nak en ni-mulambi, sindoḡ bim sambekak.

²³ Kunum Bep git Wopum Yesu Kristo endi nandi-kiliktinjiatta busuk bisikḡat git ginaḡ siloḡ wakıt nandi-kilikti emumbi pat-semun. ²⁴ Timbi ginaḡjili Wopumni Yesu Kristo papat kwambiḡgan kasileḡ endi Kunum Yambatti ginaḡ kindem ti-semun.

Pauloli kikesikmin Kolosi it kwelan kuanj enda manda yout-semguk

E-dakle manda

Kolosi win it kwet wopum no Asia provins ginan patak. Pauloli gingit nandinguk win Kolosi wandin ama diwindi e-daut manda julungan enipi, Kristolok kusal pama walalannat wolok kandan amatam ep timbi kamalangilin, wala timbi endi Kolosi nasi nandi-kilikinjiat enda eni-kilikti ti-sembi, eni-daut ti-sembi, e-daut manda julungan win wili piumbi, Kunum Yambattok Nigan Yesu Kristoli kikesikmindok kumbamji kulak endok kusal win timbi inda-dakleuktok manda nin yout-semguk.

Yout-kundit nin kusei kimilektok Pauloli Kolosi nasila we manda youpi (1:1-2), enda timbi Kunum Yambatta simba kindemda manda nimbi (1:3-8), endi Wopumdok gingitnjilok kungu tuop tilak wandin plon kunelindok nimolo tinguk (1:9-12).

Wolok singi kandan Pauloli Wopumdok gingitnjili Kunum Yambattok dainan nitek kulok (1:13-3:17), timbi endi nosingita nitek kulok (3:18-4:6) wala yout-semguk. Win njandin: Kunum Yambatti nindi Kristolok kapmainan kuneudok nipipi, nip timbi endok sambalii indangimin (1:13-23), wala timbi kikesikmindi Kristo nandi-sinikta-njiminelindok Pauloli gembu kopi (1:24-2:5), Kristongit galpakanji wolok tuopgan kunelindok eni-kilikti tinguk (2:6-3:17), win endi telak no nim kimit-klelok (2:8-23), tambo endok ginan nanandinjili kunumdok nepek wolok pat-semumbi, wolok tuopgan kunelindok (3:1-17).

Wolok singi kandan Wopumdok gingitnjili nosingit yakayakan nitek kungulok wolok kandan Pauloli eu-dikne manda enguk (3:18-4:1), timbi endi Kristolok gingit manda kindem win enelindok bajak inda-semalak wala nimolo tilok (4:2-6) windin enguk.

Singi sinik Pauloli enlok plon kasat timbi, noliilok manji tikembi, Kolosi nasila we manda enbi, yout-kundit nin timbi telekung (4:7-18).

We manda

1 ¹Nak Paulo Kunum Yambattok nandi-sambal kimit-klembi, Kristo Yesulok en-mumulin kena tiletti notni nandi-kiliktinat Timoti engit

²manda nin youpi, Kunum Yambattok gingitnji git nindok notnii nandi-

kilikinjat sindi Kolosi it kwelan kumbi, manda biangan sinik win tike-kwambiŋ-dambi, Kristoŋgit gal-pakaŋ sinda kimit-samlet.

Kunum Yambat nindok Bepni-li ginaŋ kindem ti-sambi, busuk bisikŋat samun.




Illustration by Alice Paschall

Kolosi nasili Wopumdok

gŋŋitŋiilok kungu tuop tilak wandin plon kuneliŋdok Pauloli

Timotiŋgit yakan nimolo ti-semgimik

³⁻⁶ Gŋŋit manda kindemli kwet tuop sapakŋembi, amatamdok kuŋgunji ginaŋ bien pa timbi indalak, gŋŋit manda kindem wali wakan sindok kandaŋ bo biumbi, sindi manda win nandiŋmbi, Kunum Yambatti biangan siloŋ tambongan ti-samlak win nandi-dakleŋgiliŋ, nain wolonda manda wali sindok kandaŋ windiŋgangot kusei kimipi, bien timbi indaumbi, sapakŋene-ta-bilak. Win sindi manda biangan tilak, win gŋŋit manda kindem win nandiŋipi, kunum ginaŋ bisik pat-samlak wolok kasat nandiŋgiliŋ. Timbi sindi bisik win kasileneliŋdok nandi-gembilambi mandi-pakaŋda timbi Kristo Yesu nandi-kiliki ti-ŋimimbi, Kunum Yambattok gŋŋitŋii gitikta ginaŋ siloŋ ti-semaŋ. Wolok kasatti nitok pawanŋet ginaŋ piŋgukta timbi Timoti niti Kolosi nasi sinda nimolo ti-samamik tuop nindok Wopumni Yesu Kristolok Beu, win Kunum Yambat, enda simbat kindemda manda pa niamik. ⁷ Win nindok notni kindem sinik koi Epafras en wakan gŋŋit manda kindem win san-daut ti-samguk. Endi ningita yakan Kristolok kenan gwaŋgwa kumbi, sep timbi londauktok endok kenan tike-kwambiŋ-dalak, ⁸ timbi endi Woŋdi sindok ginaŋji ginaŋ ginaŋ siloŋ timbi inda-samguk wala kasat ti-niŋguk.

⁹ Timoti niti sindok gŋŋit win nandiŋgimikta timbi nain wolongan kusei kimipi, nimolo ti-sambi, Kunum Yambatta ni-nandi ti-ta-bamik win endi sindi nitek kuneliŋdok nandi-samlak win sindi nandi-teleumbi, enlok Woŋinli sep timbimbi, sindi nandi-tom git nandi-daklenat inda-

nekalij. ¹⁰ Wali sep timbi pangittaumbi, sindi Wopumdok giŋgitjiilok kuŋgu tuop tilak wandin plon kuaŋ wolonda endi nepek gitiktok kandaŋ sinda nandum kindem-daukak, timbi sindi ep tindij kindem kusei kusei tinekalij wali bien kindem sinik wandin indaukak, timbi sindi Kunum Yambattok kandaŋ nitek nandi-dakleaŋ win nandi-dakle-sinik-tanekalij.

¹¹ Timbi niti nimolo tamik win sindi giŋginengan milap bemji-pi nandi-busuk git simbat sasalat kunelijdok Kunum Yambatti enlok gembin pama walalannat gitik wali sep timbi gembilaum ku-ta-ŋanekalij, ¹² timbi Kunum Bepta simbat kindemda manda ninekalij. Nekta, endi ikan sep timbimbi, sindi endok giŋgitjii diwin no engita yakan nulunulun ginaŋ bisik kasilenelijdok tuop taŋ.




Illustration by Alice Paschal

¹³⁻¹⁴ Win Bep Yambatti enlok Niŋaŋ walen gim sinik endok wekaili nip tua-klembi, nindok yomni bi-nimguk, timbi nindi kilim molom Satan endok kiinan nanin nipma tikembi, ninanŋip bimbimbi, Niŋaŋdok ka-wili-dikjelok kapmainan kunelijdok nipikuk kuamij.

**Kunum Yambatti nindi enlok Niŋaŋdok kapmainan kunelijdok nipipi,
nip timbim endok nolii indanŋimij**

¹⁵ Bianŋan ŋak, nindi Kunum Yambat dautnili kanelijdok tuop nim, gan endok Niŋaŋ endimek Beulok walan sisinik, indanŋan patak. Timbi nepek noli gama nim indaindan nain wolonda Niŋaŋdi ikan kuŋgukta timbi endi nepek ep timbi indaindan win gitik yapma kle-siniktalak.

¹⁶ Nekta, Kunum Yambatti Niŋaŋlok kenanli nepenepek gitik kunum ginaŋ ba kwelan pakaŋ win ep timbi indanŋuk, win nepek dautnili kanelijdok ba nim kanelijdok tuop, win eŋalo ba woŋ ba yal kusei kusei gembinjat ka-wili-dikje kena pa taŋ win bo ep timbi indaumbi, endi Niŋaŋda kot giŋgit minelijdok Niŋaŋdok kenanli ep timbi indanŋilij.

¹⁷ Win nepenepek gitik wali gama nim indanŋilimbi, Niŋaŋdi ikan kuŋguk,

timbi endi wakan nepek gitik win ep kiupi, ep timbi gembila-ta-ηalak. ¹⁸Timbi nepek giηgitiktok kandaη damandama sinik kuuktok Niηaηdi kimnan nanin dama sisinik milakuk, wala timbi endi kikesikmindok kusei sinik, timbi endok kumbamji kumbi, enlok piηgiu wandin yambi-wili-dikηelak. ¹⁹Timbi Niηaηdi Beulok walan sisinik win timbi inda-dakleuktok Kunum Yambatti nepek gitiktok kandaη en git Niηaη endok kusaset wali tuop noηgan tindemiktok eu teleηguk. ²⁰Timbi Kunum Yambatti kunum giηaη ba kwelan kuaη endi gitik bindambo endok nolii indambi, enlok kapmainan busukηengan kuneliηdok nandi-sembi, enlok Niηaηli windiη timbi indauktok nandum kindem-daumbi, endok wekai kloηbat plon yalimikuk wali busuk kuηgu win timbi inda-semguk.

²¹Dama sindila ep tindiη kolan tiηipi, Kunum Yambattok nolii nim kuηgiliη, tambo sindi giηaη nanandiηjili kanjik ti-ηimaηgiliη, ²²gan Kunum Yambatti wandingan embi, enlok Niηaη ni-mulim, ama indambi kimguk, telak windiη plon sep timbimbi, man ηindiηgit sindi bindambo endok nolii indaηgiliη. Nekta, endi sindi endok dainan jamilan sisinik indaneliηdok nandi-samlak, win sindok kandaη kolan no nim palimbi, ama noli mandali sep youtneliηdok tuop nim. ²³Gan windiη inda-samektok sindi ηindiη ti-ta-kunekaliη: sindi giηgit manda kindem nandi-kwambiη-danη win tike-kwambiη-dambi ku-kwambiη-danekaliη, timbi manda wali nitek elak win inda-samektok nandi-gembilambi mandi-pat taη win kusei no ba nola timbi nim binekaliη. Giηgit manda kindem win wakan kwet tuop amatam gitikta e-sakta tindiη, timbi nak Pauloli manda wolok kenan gwaηgwa indaηgutti kulet.

Pauloli kikesikmindi Kristo nandi-sinikta-ηimineliηdok gembil kokuk

²⁴Nak bien kindem timba inda-samektok piηgiη gawat tilet wali nak nep timbim, man ηin simbat sasat tilet. Win kikesikmin endi Kristolok piηgiu wandin, timbi Kristoli nak ep timba plaptauktok mīlap nitein gamaη nokok piηgiηnali bembettok nandi-namguk win wakan nak timba telelak. ²⁵Kunum Yambatti nak amatam Judalok sambat nim sindi sep timba plaptauktok nandi-nambi nanbi teleumbi, nak endok mandan win sanba dakle-teleuktok kikesikmindok kenan gwaηgwa indaηgutti kulet.

²⁶ Giŋgit manda kindem wali Kunum Yambattok nandi-sambal wala elak. Endi nandi-sambat win ama sambat damangan kuŋgijij gitik enda kimit-sembi-semguk, gan kombitmek win enlok giŋgitjiila timbi inda-dakle-semguk. ²⁷ Win giŋgitjii enda wakan Kunum Yambatti nandi-sambat pat-sembin win en-siwilektok nandum teleumbi, ŋindij timbi inda-dakle-semguk: endi Judalok sambat nim enda bisik tokŋetokŋen emekak, win Kristo en wakan enlok giŋgitjii sinik sindok ginanjji ginaj kulak, wala timbi sindi bo engita yakan nulunulun ginaj kunelijdok gumaŋ nandi-gembilambi mandi-pakaŋ.

²⁸ Windiŋda timbi Kristoŋgit gal-pakaŋ endi gitik bendim nandi-tomteleaŋ wandin wali Kunum Yambattok dainan indanelijdok nandi-semamij, wala timbi nin-mumulin nindi Kristolok kusal win amatam tuop en-sapakŋeŋipi, noŋgan noŋganda molo manda enbi, nandi-tomnat eni-daut ti-semamij. ²⁹ Kusei wala timbi nak bo kena gim pa tilet, win Kristoli wopungan nep timbi gembilalakta timbi endi naka gembil namlak wali wakan nak gembil kopi, kenan pa tilet.

2 ¹ Win nak sindi ŋindij nandi-daklenelijdok nandi-samlet: nak sini git Laodisia nasi wakŋt amatam diwin no timana daut nim kaŋgijij gitik sinda timbi gembil wopungan sinik kot-ta-ŋalet. ² Nekta, sindok ginaj nanandinjili gembilauktok nak sindi gitik ginaj siloŋ tambo tambon tiŋipi, ginaj noŋgan tinelijdok nandi-samlet, timbi sindi Kunum Yambattok mandan win tokŋetokŋengan nandi-dakle-telenelijdok, win endok nandi-sambal pat-sembin pakuk wolok bien, win Kristo en wakan nandi-sinikta-ŋiminelijdok nandi-samlet. ³ Biangan ŋak, Kristo en noŋgandi Kunum Yambattok nanandi-tom ba nanandin bisikŋat gitik pat-sembin patak wolok molom kusei sinik. ⁴ Nak windij sanlet win kusei ŋindijda: nim kaŋbi, ama noli e-galgalk mandanli sep timbi kamalaumbi, sindi endok nanandin julungan win nandi-dasinelij. ⁵ Win nak piŋgiŋnali singita nim patet, ganmek nokok ginaj nanandinali sindok kandaŋ patak. Tiŋipi, sindi kiupi, sambat noŋgan ikaŋ, timbi Kristo kwambiŋgan nandi-kilikti ti-ŋimaŋ giŋgit wala nak simba sasat tilet.

Sindi Kristongit gal-pakaŋda timbi telak no nim kimit-klenekaliŋ

⁶ Sindi Kristo Yesuli sinilok Wopumji kuuktok kasileŋgiliŋda, wolok tuopgan engita gal-papi kimit-kle-ta-kunekaliŋ. ⁷ Win Kristolok plon sandaut ti-samsamin wolok tuopgan sindi komba kakai sakŋen wandin nomik en tike-kwambiŋ-dambi, bendim wopumda-ta-kunekaliŋ, timbi endok plon e-daut manda bianŋan nandiŋgiliŋ win nandi-kwambiŋ-dambi nandi-gembila-ta-kunekaliŋ, timbi Kunum Yambatta simbat kindemda manda tokŋetokŋengan ni-ta-kunekaliŋ.

⁸ Timbi ka-kiliŋ-ewit! Nim kaŋbi, nimbek noli amalok nanandiŋji bien nimnat ba julunŋit win san-daut ti-sambi, sep timbi kamalaumbi, endok nanandiŋji win nandi-dasimbi, kimit-klembali kuneliŋ. Nanandi wandin wali Kristolonnan nanin nim. Tambo nanandi wali ama damasilonnan nanin, ba yal kusei kusei nepek kwelan ba kunum plon pakaj win kawili-dikŋeaj endonnan nanin.

Sindi windiŋ sep timbi kamalaneliŋdok ama no nim nandi-tele-semnekaliŋ, ⁹ nekta, nepek gitiktok kandaŋ Kunum Yambatti Kristolok piŋgiu giŋaŋ papat kwambiŋgan kulak. ¹⁰ Kristo en wakan nepek gembinjiat ba ka-wili-dikŋe ama gitik endok kumbamji, timbi sindi engita gal-pakaŋda timbi engita kuŋgu wolok kandaŋ nepek nola nim lonjaŋ. ¹¹ Win sindi engita gal-pakaŋda timbi Kristoli Kunum Yambattok giŋgitŋiilok jimba kundit win sindok plon tiŋguk. Jimba kundit wali ama piŋgiulok plon kitti dombi gul tindiŋ wandin nim, tambo Kristoli sindok giŋaŋji damanin win sapma tikembi, kle kot-samguk. ¹² Timbi sindi yatnaŋ tuk iŋgiliŋ wolonda ŋindiŋ indaŋguk: Kunum Yambatti Kristongit sep kindit tapliŋguk wandin, timbi wingot nim, sindi endok gembinli Kristo kimnan nanin timbi milakuk win nandi-kwambiŋ-dangiŋda timbi endi Kristongit sep timbi milakuk wandin.

¹³ Win dama sindi giŋaŋji damanin win kimit-klembali, mawiwit ti-takuŋgiliŋda timbi Kunum Yambattok dainan ama sembisembin wandin kimlok giŋgit tiŋgiliŋ, ganmek endi nindok mawiwitni gitik win siloŋ tambon nimnat bi-nim-telembi, Kristongit sep timbi kaiktaŋgiliŋ. ¹⁴ Win nindok mawiwitni yout-sambat tindiŋ yout-sambat wali nindok yomni timbi inda-dakleumbi, tambon ombi-tikeneŋdok eŋguk, gan Kunum

Yambatti yout-sambat win liliwanenguk, win tike nambi, kloḅbat plon wikuk wandin. ¹⁵Timbi endi nepek gembinjat ba ka-wili-dikḅe ama kolan gitik endok gembinji win apma tike-sem-teleumbi, Kristoli kloḅbat plon bianḅan yapma kle-siniktanguk win timbi inda-dakleumbi, enda indaḅan sinḅi mayek emguk.

¹⁶Ale, tikap ama noli Juda amatamdok Sabat pat-nandi nain ba yakip kombilin ba gwilat nain diwin nolok telaksi kusei kusei gitik wolok kandaḅ ba nanaḅ tuktok e-dikḅe manda kimit-klekle wolok kandaḅ sindi yom plon sapitneliḅdok nandaḅda, sindi endok mandanji win nandi-kimkimnenekaliḅ. ¹⁷Nekta, telak ba e-dikḅe manda wandin wali nepek indauktok een wolok walawalangot tiḅgiliḅ, gan wolok bien sisinik win Kristoli bisik samguk win wakan. ¹⁸Timbi tikap ama noli sinḅinji tikepimbi, kayombanengan kuaḅ timbi eḅalola en-wowoḅ taḅ wala simbat sasat tiḅipi, Kolosi nasi sindi en nomik windiḅ nim pa taḅda timbi sinda “Kunum Yambatti tuanji kindem nim ombi-samekak” windiḅ sanaḅda, sindi endok mandanji nandi-kimkimnenekaliḅ. Nekta, endi doundei kaḅgiliḅdok julungan eaḅ wolok plon manda kilikgan pa eaḅ, timbi nanandi endok giḅanji damaninnan nanin inda-semalak nanandi wala sinik timbi joḅgo sinḅinji pa tike-loaḅ. ¹⁹Timbi wingot nim. Endi nisilok kumbamji Kristo en nombo nim tike-kwambiḅ-daḅ. Win kumbamli piḅgiulok bendimbendiḅ win ka-wili-dikḅembi kasopmeumbi, piḅgip pan dipdipti kiupi, nongan taḅ, windiḅgangot Kristoli enlok piḅgiu kikesikmin win ep timbimbi, endi Kunum Yambattok nandi-samballok tuop bendim wopum-daḅ.

²⁰⁻²¹Sindi Kristoḅgit yousimbi, engita kimgiliḅ wandin, wala timbi sindi yal kusei kuseili nepek kwelan ba kunum plon pakaḅ win ka-wili-dikḅe-aḅ endok kapmainan nombo nim kuaḅ. Windiḅda timbi sindi kusei nekta gamaḅ kwelalok giḅgit wandin kuaḅ, win tikap ama noli nepek no ba nolok kandaḅ “win nim tike-kawiḅ!” ba “win nim tike-paleḅ!” ba “win nim na-kawiḅ!” windiḅ san-daut ti-samaḅda, sindi e-dikḅe manda win kusei nekta gamaḅ kimit-kleaḅ? ²²Bianḅan ḅak, endi nepek e-yout taḅ wolok plon nindi kenan emamiḅda, wali gitik pait-telenekaliḅ! Timbi e-daut manda ba e-dikḅe manda wandin win ama silanindiḅgot eu indaḅgi-

liŋ, wala timbi sindi win nim kimit-klenekaliŋ. ²³ Timbi ŋindiŋ bo: manda wandin wali amatamdi telak milap plon Kunum Yambat kimit-klembi, singinji tike-pimbi, piŋgipsila milap mineliŋdok eni-ŋiŋinean. Timbi biangan ŋak, manda wali Kunum Yambat kimit-kleklelok telak nandi-tomnat wolok walan tilak, ganmek nindi ginaŋni damanindok galk win witna piuktok kandaŋ e-daut manda ba e-dikŋe manda wandin wali nip-mum plaptaneliŋdok tuop nim, wala timbi wali tlal, kena nimnat.

3 Kunumdok giŋgitŋiilok kuŋgu tuop tilak wandin plon kunekaliŋ

¹ Kunum Yambatti sindi Kristoŋgit sep timbi kaiktaŋŋiŋda timbi sindi nepek gwat kunum ginaŋ pakaŋ win kasileneliŋdok gembu kot-nekaliŋ. Win wandiŋ wakan Kristoli Beulok kii dindiŋ kandaŋ pipapi, ka-wili-dikŋe kenan pa tilak,

² wala timbi sindok ginaŋ nandiniŋjili kwelandok nepek wolok kinjan nepek gwat patak walaŋgot pat-sam-ta-ŋawin.

³ Nekta, ama sembisembin wandin nomik sindok kuŋgunji damanin wali ip teleŋguk, timbi man ŋin sindok kuŋgunji sisiŋik wali Kristoŋgit Kunum Yambattok kandaŋ pat-sembin patak.

⁴ Timbi nindok kuŋguni sisiŋik wolok kusei Kristo en winanin undane pi tombi inda-dakleumek, sindi bo engita nulunulunnat inda-daklenekaliŋ.

⁵ Winiŋda timbi sindok ginaŋni damanindok galk kolan gitik win timbi kimnekalij, win sindi wapatam kuŋgulok telak dindiŋ win kimit-klembi, kundit no ba nolok plon telak joŋgo nim kunekaliŋ, ba ep tindiŋ diwin no mayekŋat, gayaŋgayaŋen wandin win nim tinekaliŋ, ba ep tindiŋ wandin ba ep tindiŋ kolan diwin no tinesiŋdok nim nandi-galktanekaliŋ, ba kwelandok nepenepekta ti-kimbikimbiŋe timbi, win yambatsi wakan wandin nim ep kimit-klenekaliŋ. ⁶ Win ep tindiŋ wandin wala sisiŋik timbi Kunum Yambatti mawiwit taŋda gimbit ti-sembi, kolanjilok tuan ombi-



semekak. ⁷Timbi sindi bo dama ginañji damanindok galk kolan win kimit-klenipi, ep tindin wandin win ip ti-ta-kungilin.

⁸⁻⁹Gan man nidinggit sindi kundit nandin gitinggitik win bi-telewit: sindi gimbit ba gimbit ti-pinpinenat ba nandi-kunjit nombo nim tinekalin, ba sindok bongipsinan manda winjit ba manda mayeknat ba manda julungan nombo nim enekalin. Nekta, sindi kusasi damanin waktu wolok ep tindin-ji win ikan ep kle-kopi, ¹⁰wolok kinjan ginañji komblin tike dasingilin. Win sindi en nandi-sinikta-niminelindok Kunum Yambatti sindok kusasi komblin win timbi inda-samguk, timbi win timbi kaiktaumbi, endok walan nomik inda-ta-ralak. ¹¹Kungu komblin wolok ginañ amali Juda ama ba sambat no nasi, ba endok pingiu plon Juda amalok dombi gul tindin ba nim tindin, ba kwet nolinin nanandi nimnat no, ba ama moyelambi, kli ginañ kulak wandin, ba kena gwangwa silanin no ba ku-samak-tan wandin, wali gitik bienji nimnat. Win Kristo en nongandi lolon sisinik, biennat, timbi endi gitingitiji gitik endok ginañji ginañ kulak.

¹²Kunum Yambatti sep kasile-telembi, ginañ silon ti-samumbi, sindi endok gitingitjiingot kuan, wala timbi sindi kundit nandin win nandi-dasimbi kimit-klenekalin: sindi ginañ busuk git ginañ kindem tambo tambon tinekalin, sindi kayombinengan ba busukjengan kunekalin, timbi mamasa tinekalin. ¹³Sindi nandi-busuk plon tambo ka tinekalin, timbi tikap sindonnan nanin noli nol nolok kandañ balep nanandi palimilakta, endi balep nanandi win kak biwin. Win Wopumdi sindok yomji silon wandin tambon nimnat bi-samguk, widinggangot sindi bo nosiilok yomji silon wandin tambon nimnat bi-semnekalin. ¹⁴Timbi sindi kundit wandin win nandi-dasimbi kimit-klenipi, kundit no wali ep tindin diwin no gitik yapma klelak win bo tinekalin, win ginañ silon tambo tambon tinekalin. Nekta, wali wakan sep kiulimbi, sindi gitikti nongan pat-telean.

¹⁵Timbi Kunum Yambatti kikesikmin sindi pingip nongan timbi, bongipsinan busukjengan kunelindok san-tianjenguk, wala timbi sindi Kristoli busuk kungu samlak wali sindok ginañ nanandinji ka-wilidikeuktok nandi-tele-nimekalin. Timbi sindi yousiyousingan Kunum Yambatta simba kindem nandi-nimekalin, ¹⁶timbi Kristolok gitingit manda kindem win nandi-dasimbi, wali ginañ nanandinji timbi tokje-ta-

ɲauktok nandi-tele-ɲiminekaliɲ. Timbi sindi nandi-tomnat tambo daulim timbi, molo manda enekaliɲ, timbi Kunum Yambatta simba kindem nandi-ɲimɲiɲipi, kap Juda amatamdi pa tiaɲ git ni-ta-lo kap wakıt Dɲndim Woɲdi kap samlak win gɲnaɲji gitikti tinekaliɲ.

¹⁷ Timbi nindok ama boɲɲipni Wopum Yesulok koi plon sindi Kunum Yambat nindok Bepniɲa simba kindemda manda niɲipi, windiɲ ba windiɲ eaɲ ba taɲ win gitik telak Wopum Yesulok gɲɲitɲiɲilok tuop tilak wolok plon tinekaliɲ.

Notniingita yakayakan nitek kulok

¹⁸ Tam wapasiat, sindi Wopum Yesuli gɲɲitɲiɲili nitek kuneliɲdok nandi-semɲak wolok tuopgan wapasilok kapmainan ku-ta-ɲanekaliɲ. ¹⁹ Timbi ama tamjiat, sindi tamjiɲila gɲnaɲ siloɲ ti-sem-ta-kunekaliɲ, timbi nandi-kola ba gimbit nim ti-semnekaliɲ.

²⁰ Timbi wembe gwaɲgwa sindi nepek gitiktok kandaɲ meɲji bepsilok mandanji kimit-kle-ta-ɲanekaliɲ. Nekta, Wopumdi wala nandum kindem-dalak. ²¹ Timbi nim kaɲbi, gwaɲgwanji bisatti nandi-milaptaneliɲ, wala timbi meɲ bep sindok ep tindiɲji kusei kusei wali endok gɲnaɲji nim ep timbi kolaukak.

²² Timbi kena gwaɲgwa silanin, sindi nepek gitiktok kandaɲ sindok molomji kwelan ɲandiɲ kuaɲ endok mandanji win kimit-kle-ta-kuneka-liɲ. Win sindi nain tuop windiɲ tinekaliɲ, timbi endok dautsinangot nim, ba endi sinda nandum kindem-daneliɲdokgot nim. Tambo Wopumdi sindok ep tindiɲji ka-danbekak wala misaɲda timbi sindok gɲnaɲji dɲndimli nain tuop molomjiɲilok mandanji win kimit-kle-ta-kunekaliɲ.

²³ Win sindi kena win ba win taɲ win gɲnaɲji gitikti kasilem ti-ta-ɲanekaliɲ, win sindi kwet amalok kinjan Wopumda kena ti-ɲimineliɲ wandin. ²⁴ Biangan ɲak, sindi molomji sisinik Wopum Kristo enda kena ti-ɲimaɲ, timbi endi wakan sindok tuanji dɲndim, win bisik ti-wili-dikɲe-samguk win ombi-samektok ip nandi-teleaɲ. ²⁵ Timbi ti-kelakelame pa taɲ endi bo ti-kelakelamenjiɲilok tuan win ombi-tikenekaliɲ. Nekta, Kunum Yambatti amatam gitik manda plon tuop noɲgan yambi-danbi, tuanji dɲndingan ombi-semekak.

4 ¹Timbi kena gwaŋgwa silanin endok molomji sindi bo Molomji kunum ginaŋ pat-samlak windiŋ ka-nandi-teleaŋ, wala timbi sinilok kena wembe gwaŋgwanjii silanin win telak dindim plon yambi-dikpe ti-sem-ta-ŋanekaliŋ.

Nindi Kristolok giŋgit manda kindem win enedok baŋak inda-nimektok nimolo tilok

²Sindi giŋginengan Kunum Yambatta nimolo ti-ŋimi-ta-kunekaliŋ, timbi simba kindemda manda ni-ta-kumbi, nimolo kenala nim jiklotanekaliŋ. ³Timbi sindi nimolo taŋ wolonda ninda bo nimolo ti-nim-ta-kunekaliŋ, win nindi Kristolok plon giŋgit manda damaŋgan pat-sembin pakuk win e-sapakŋeneŋdok Kunum Yambatti telak dili-tom-nimekak, timbi nak manda win e-saktaŋgutta timbi it kwambiŋ ginaŋ patetti ⁴manda win nitek eelok woloŋ tuopgan win ewa inda-dakleukak.

⁵Timbi sindila baŋak inda-samlak tuop amatam Kristolok giŋgit nim engita ama nandi-tomjiat wandin ku-ta-ŋanekaliŋ, ⁶win nain tuop engita manda koŋgom ba galkŋat win en-ta-ŋanekaliŋ. Windiŋ tiŋipi, sindi ama no ba nola telak nitek plon manda tambon eninelidok win nandi-dakle-nekaliŋ.

Eu-teletele manda

⁷Ale, nokok plon nek inda-namguk win gitik Tikikuslimek kasat ti-samekak. Endi nindok notni kindem nandi-kiliktinat no, timbi nakita yakan Wopum Yesulok kenan gwaŋgwa kumbi, ti-plaplape kenan win tike-kwambiŋdam ti-ta-ŋalak. ⁸Nak en ni-mulambi, yout-kundit ŋin tikembi, sindoŋ biukak win kusei ŋindiŋda sinik: endi nindok kasat win ti-samumbi nandinekaliŋ, timbi sindok ginaŋ nanandinji bo timbi gembilaukak. ⁹Timbi Onesimusli engita biukak. Onesimus endila nindok notni kindem nandi-kiliktinat Yesu tike-kwambiŋ-dalak wandin,



Illustration by Alice Paschal.

timbi endi Kolosi nasi sindonnan nanin no. Ama tipet endi nepek nandij indanguk win gitik sinda kasat ti-samdekamik.

¹⁰ Aristakus nakita it kwambij ginañ pakamik wakıt Banabaslok namen Mareko endi sinda we-samamik. Timbi nak Marekolok kandañ ikan sandikje tıngut, wala timbi tikap endi sindon biukta, en not ti-niminekaliñ.

¹¹ Timbi ama no koi Yesu, koi no Jastus kitikitin, endi bo we-samlak. Ama nakit kena tıñipi, amatamda Kunum Yambattok ka-wili-dikjenlok kapmainan kuneliñdok pa en-tiañeañ endok boñgipsinan ama tipet git no, win Aristakus, Mareko git Jastus, endiñgot Juda ama sinik, timbi endi not busuk timbi, pañgembila ti-nam-ta-bañ.

¹² Timbi sindok nosi no Kristo Yesulok kenan gwangwa kulak koi Epafras endi bo we-samlak. Endi nain tuop sinda timbi gembı kopi, nimolo ti-samlak win sindi nandi-kiliktinjilok kandañ bendim nandi-tom-telembi, it-kwambij-danekaliñ, timbi Kunum Yambatti sindi nitek tineliñdok nandi-samlak win gitik sindi nandi-daklembi, nandi-kwambij-da-teleañ wala nimolo pa tilak. ¹³ Biangan ñak, Epafrasli Kolosi nasi sini git Laodisia nasi wakıt Hierapolis nasi sinda kena gim wopum ti-samlak win nak gembı ilimilet.

¹⁴ Nindok notni kindem Luka gwasap kenan pa tilak en wakıt Demas endi we-samamik.

¹⁵ Sindi nindok notnii nandi-kiliktinjiat Laodisia it kwelan kuañ git Nimfa en wakıt kikesikmin endok ilnan kimin pa tañ enda nokok we mandana eninekaliñ. ¹⁶ Sindi yout-kundit ñin boñgipsinan indangan pinatnekalıñ. Pinat-telemek, Laodisia kikesikmindi bo win indangan pinatneliñdok wandiñ kimilim lowin. Timbi nokok yout-kunditna Laodisia kikesikmindi kimilim sindon biukak win bo sindi indangan pinatnekalıñ.

¹⁷ Timbi sindi Akipusla ñindiñ ninekaliñ, “Nim kañbi, dik nandi-kamalambi, Wopumdi kena kimit-gamumbi kasileñguñ win nim timbi teleuk wala ka-kiliñ-eukañ!”

¹⁸ Natna Pauloli yout-kundit amana endok kundit youyout tikembi, “We-samlet” wıñdiñ youtet. Nak it kwambij ginañ patet win sindi nim nandi-kamala-namnekalıñ.

Kunum Yambatti ginañ kindem ti-samun.

Pauloli Taituslok manda youliminguk

E-dakle manda

Pauloli Taitusgita ailan Krit wandij yakan kena timbi, winanin pi njaup timbi, Taitusli wingan kena yousim timbektok kanjip bim njanjuk. Nam pakap, yout-kundit njan Taituslok youpi kimiliminguk.

Pauloli dama sinik Taitusla we-njimimbi (1:1-4), endi njindij timbektok youliminguk: endi it kwet tuop kikesikmindok telak damanji win ep mambi iittok (1:5-9), timbi Krit nasilok nandi-kiliktinji ep ti-dindime ti-semsemlok (1:10-3:11). Win Taitusli e-daut manda kelakelamen ean enda en-kimit-sip ti-semsemlok (1:10-16), timbi Krit nasili e-daut manda dindim sinik wingot nandi-kwambij-dambi, wolo tuopgan kunjulok (2:1-10). Nekta, Kunum Yambatti silon tombongan ti-nimbi, kolan ginanjan nanin nipma tikenjukta timbi nindi dindim kumbi, ep tindij kindem tindilok (2:11-3:8c). Singi sinik ama e-kelakelame mandanjili kikesikmin ep tambikan win Taitusli enombektok Pauloli wandij nimbi (3:8d-11), yout-kundit teletelelanan bindambo ep tindij kindem tindilok plon manda youkuk (3:12-15).

E-dakle manda git gwilam manda

1 Kunum Yambatti amatam enlok ep kasilejuk endi telak dindim plon en nandi-kilikti ti-njiminelijdok, timbi telak nek wali endok tuop tilak wolo plon en kimit-klenelijdok nandi-sembi, telak wolo kanda manda biangan kasilembi nandi-daklenelijdok nandi-semlok. Kusei wala timbi endi Paulo nak enlok kenan gwanjwa git Yesu Kristolok enmumulin ama kuuttok nep mambum ikut, timbi nak nandi-kilikti git nandi-daklelok kanda endok gijgitji yanangilambi, ²endi kunjgu kwambij kasilenelijdok guma nandi-gembilambi mandipakan. Nekta, kwet nainli gama kusei nim kimikuk wolonda Kunum Yambat manda biangan ee molom endi gijgitjiila kunjgu teletelen nimnat emektok e-kwambij-danjuk, ³timbi nain kimikuk wali indanjuk wolonda enlok gijgit manda kindem win kenan gwanjwanjiilok manji plon e-sapak-nembi, timbi inda-daklejuk. Win Kunum Yambat nindok Nipma

Tiketikenni en wakan kena win nokok kitnanan kimipi, enlok man mandan e-saktauttok nani-dikje tinguk.

⁴Taitus, dik nakita telak nongan plon nandi-kilikti tamikta timbi dik nokok niŋaŋna sisinik. Timbi nak ŋindin wegamlet: Kunum Yambat nindok Bepni git Kristo Yesu nindok Nipma Tike-tikenni endok ginan kindem ba busuk bisikŋat wali dikok pakamun.




Illustration by Alice Paschal.

Kikesikmindok telak damanji win nitein ep mambi iittok?

⁵Niti ailan Krit wandin papi, nak winanin pi ŋaup tingut wolonda nak dik kena ŋin timberdok gan-nandinŋut, win dik wandin yousim kuŋipi, Krit nasili nandi-kiliktilok telak kimit-klean wolok kandan nepek diwin ti-dindim-eukan, timbi nak eu-dikje manda gangut win kimit-klembi, it kwet tuop kikesikmindok telak damanji ŋandinsi win ep mambi ilekan: ⁶endi nain tuop dindim gan kuan da timbi ama noli endok plon kit yout manda enelin dok tuop nim, win endi tamji nongangot tike-kwambin dambi kuan, timbi endok wembe gwan gwanjiili nandi-kilikti timbi, piŋdansi ba piŋgipsilok galksi kolan kimit-klean walan wandin win nim pa taŋ.

⁷Nekta, kikesikmindok telak damanji endi Kunum Yambattok kinjan kikesikmin yambi-wili-dikjean, wala timbi endi nain tuop dindim gan kuŋgulok, win ama noli endok plon kit yout manda enelin dok tuop nim. Nim kaŋbi, telak damali ama piŋdan samasamakgan kulak wandin, ba endi tuk kwambin asup nana molom ba ama piŋpiŋen wandin, ba platikan gimbit timbek, ba minem kwilikwili ep kasileuktok nandi-galk wopum timbek. ⁸Tambo endi ŋindin kuŋgulok: endi ama yok enda not ti-sembi yambi-diknelok, timbi nek ŋali kindem sinik wala ginanjiili kasilembi kimit-klembi kulok, timbi kuŋgunji Kunum Yambatta bi-ŋimigilinda timbi endok dainan dindim kuŋipi, nisilok ginan nanandinji win ka-wili-dikjembi, galksi win nim pa kimit-klelok.

⁹Timbi Taitus niti giŋgit manda kindem e-daut tiŋgimik win telak damali tike-kwambiŋ-dambi kimit-kle-kilinjelok. Endi windiŋ tinekaliŋ-da, wali ep timbi paŋgittaumbi, endi amatamda manda dindim win gumaŋ eni-daut ti-sembi, kimit-kleneliŋdok ep timbi gembilaŋ, timbi ama manda win e-tike-pi taŋ enda endok nanandiŋji moyen sinik win gumaŋ timbi inda-dakle-semaŋ.

E-daut manda kelakelamen eaŋ enda en-kimit-sip ti-semlok

¹⁰Biaŋgan ŋak, Taitus dik patan wandiŋ ama piŋdansi asupti e-daut manda dindim wala e-tike-pi timbi, manda silanin pa eaŋ wali amatam julunŋit ti-semaŋ. Endoŋnan nanin asup win Juda ama kikesikmin giŋaŋ yousiŋgiliŋ endi wakan. ¹¹Endi amatamdok minemji nisilok tiaŋem ep-semneliŋdok manda nim e-daut ti-semsemlok win mayektangan eni-daut ti-semaŋ, timbi telak windiŋ plon amatam diwin waktu nisilok sambatsii engita yakan kuaŋ endok nandi-kiliktinji win pa timbi kolalak, wala timbi dik ama wandinsi endok manji masipmekan.

¹²Win Krit ama noli noliilok dautsinan profet amalok walan wandin pa tiliŋguk endi bo noliilok plon ŋindiŋ eumbi, youyoulin patak, “Krit nasi endi e-kuyuk molom, gaut moyen saŋan kena tindila kunjittambi, nakimbikimbiŋgot pa taŋ wandin nomik.” ¹³Ama wali biaŋgan eŋguk, kusei wala timbi dik Krit nasila nandi-kiliktinjielok kandaŋ manda kwambiŋ eniŋipi, endi e-daut manda julunŋit wolok kinjan e-daut manda dindim sinik win nandi-kwambiŋ-daneliŋdok manda elan wali ep timbi dakle-sem ti-ta-kuukan. ¹⁴Win endi Juda ama damasilok kasatsi bien nimnat wandin wala pawa kimit-nandi nim tilok, timbi manda biaŋgan tilak win siŋgi wilimaŋ wandinsi wolok e-dikŋe mandanji win nim kimit-klelok. ¹⁵Nekta, tikap amalok giŋaŋ nanandiŋjili Kunum Yambattok dainan jamilan sinikta, nanaŋ ba nepek no wandin wali Kunum Yambattok dainan ep timbi kolaneliŋdok tuop nim. Gan tikap amalok giŋaŋ nanandiŋji wali ikan kolaumbi, endi Kristo nim nandi-kilikti ti-ŋimaŋda, endi nepek gitikti Kunum Yambattok dainan ep timbi kolaneliŋ windiŋ nandaŋ. Biaŋgan ŋak, e-daut julunjulun endok giŋaŋ nanandiŋji wali ikan kolaumbi, endi nek ŋali dindim ba kolan sinik win ka-nandi-daklene-

liṅdok tuop nim. ¹⁶Win endi mandanjili “Kunum Yambat nandi-
 ṅimamiṅ” windiṅ pa eaṅ, gaṅgan endok ep tindiṅji kolan wali en singi
 pa wiliṅmaṅ. Nekta, endi manda wiwit molom, ep tindiṅ kindem no tine-
 liṅdok tuop nim, timbi Kunum Yambatti enda nandum mipmile-semlak.

E-daut manda dindim sinik wolok tuopgan kulok

2

¹ Gan Taitus dikta ṅindiṅ timbekaṅ: dik e-daut manda bianṅan ba
 dindim sinik wali nindi kuṅgu nitein kuneṅdok elak win nandi-
 kiliktinjiatta eni-daut ti-sem-ta-kuukaṅ. ² Win dik ama biesila ṅindiṅ
 enbekaṅ: endi nandi-galksi win ka-wili-dikṅelok, timbi nosiili enda
 nandum lolon taṅ wolok tuopgan kulok, endok mandanji ba ep tindiṅji
 win ka-wili-dikṅelok, timbi e-daut manda dindim sinik win nandi-
 kwambiṅ-dalok, ginanji gitikti nosiila ginan silon ti-semlok, timbi milap
 inda-semlaknan nandi-kiliktinjiṅli nim pi-piuktok enbekaṅ.

³ Timbi dik tam biesi endi windiṅgangot kuṅgu Kunum Yambattok
 giṅgitṅiṅlok tuop tilak windiṅ kuneliṅdok enbekaṅ. Win endi e-kola
 manda nim eelok ba tuk kwambiṅ asup nana molom windiṅ nim kulok,
 tambo endi amatam diwin nola nepek nek ṅali kindem sinik tilak win
 eni-daut ti-semlok. ⁴ Telak windiṅ plon tam biesili tam ip wapat tiṅgiṅ
 sambat wolok plon pakaṅ endi ṅindiṅ kuneliṅdok eni-daut ti-semlok:
 endi wapatsi waktu wembe gwaṅgwanji enda ginan silon ti-semlok, ⁵ tim-
 bi nandi-galksi win ka-wili-dikṅembi, Kunum Yambattok dainan jamilan
 sinik kulok, itsilok kena win ti-kiliṅelok, timbi wapatsilok kapmainan
 kulok. Nim kaṅbi, endi windiṅ nim timbimbi, ama noli kusei wala timbi
 Kunum Yambattok mandan e-tike-pi-yalineliṅ.

⁶ Timbi dik ama ip amalok jimba plon pakaṅ endi windiṅgangot
 kuṅgunji ka-wili-dikṅeneliṅdok eni-kilikti timbekaṅ. ⁷ Timbi dik e-daut
 git e-kilikti tiṅipi, nepek gitiktok kandaṅ ditnalok ep tindiṅga kindem
 wali amatamdi nitek kuṅgulok telak win daut sem-ta-kuukaṅ, timbi eni-
 daut ti-semṅan win ginanga dindimli windiṅ timbi, telak kindem kenanga-
 lok tuop tilak win kimit-klembi, ⁸ manda bianṅan tilak win ama noli e-
 tike-pi tineliṅdok tuop nim wingot e-ta-kuukaṅ. Windiṅ timbekaṅda,

kanjik ti-nimanđi nındok kandaŋ manda kolan no eneliŋdok tuop nim, timbi mayektaneliŋ bek.

⁹Timbi dik kena gwaŋgwa silanin endi nepek gitiktok kandaŋ molom-jilok kapmainan kuneliŋdok enbekaŋ, win molomjili enda nandum kindem-daneliŋdok endi windiŋ kuŋgulok, timbi e-balep ¹⁰ba kumbu nim tindiłok. Tambo endi kena gwaŋgwa kindem wandin sinik, timbi molom-jili yambi-gembila-sinik-taneliŋdok tuop taŋ windiŋ win ep tindiŋjili molomjila daut semlok. Endi windiŋ tinekalinda, wali nepek gitiktok kandaŋ timbi inda-daklelak win e-daut manda Kunum Yambat nındok Nipma Tiketikenni endok plon elak manda wali pamanat sinik.

Kunum Yambatti siloŋ tombongan ti-nimlakta timbi dindim kulok

¹¹Biaŋgan ŋak, Kunum Yambatti nındok kolannilok kinjannan nanin nipma tiketikelok telak yut-nimŋuk wali endok siloŋ tombongan win amatam gitikta timbi inda-dakle-semguk. ¹²Timbi endok siloŋ tombongan wali nindi nitek kuneŋdok win nini-daut ti-nimlak, win nindi kuŋgu Kunum Yambattok dainan tuop nim tilak wandin win nombo nim tilok, ba kwelandok nepek kusei kusei wala galk wopum nombo nim nandiłok. Tambo nindi kwelan kuamiŋ tuop kuŋgu dindim ba nanandi-tomnat Kunum Yambattok dainan tuop tilak win kimit-klembi kulok. ¹³⁻¹⁴Nekta, Yesu Kristo nındok Yambatni wopum ba Nipma Tiketikenni endi nındok e-dikŋe manda wiwitni gitik walinin nipma tuauktok, timbi nip timbi jAMILAUMBI, nindi endok giŋgiŋjii ep tindiŋ kindem tindiła nandi-galk wopum pa taŋ wandin indambi kuneŋdok enlok kuŋguŋin bi-nimbi kim-nimŋuk. Timbi man ŋin nindi endok giŋgiŋjii wandin ikan indam kuamiŋ, timbi endi nulunulunnat undane pi tombektok nandi-gembilambi, sandap bisikŋat wala mandi-ta-kuamiŋ.

¹⁵Taitus, dik kikesikmin yambi-wili-dikŋelok gembı gitik pakamlak wolok tuop nak manda yout-gamlet win kikesikminda eni-daut ti-sembi, endi win kimit-kleneliŋdok ep timbi gembilaumbi, kuŋjittasi win ep timbi dindim-eneliŋdok molo manda enbekaŋ, timbi ama noli dika nandum pimbiŋen timbimbi, maŋga mandanġa makleneliŋdok nim nandi-tele-semekaŋ.

**Kunum Yambatti kolan ginaŋ nanin niŋma tikeŋgukta timbi dindim
kumbi, ep tindinŋ kindem tilok**

3

¹ Dik nandi-kiliktiinjiatti ŋindinŋ kuneliŋdok en-kaikta ti-ta-kuukanŋ: endi ka-wili-dikŋe kusei kusei gitik endok kapmasinan kumbi, endok manji mandanji kimit-klelok, kena kindem gitik tineliŋdok ti-panŋittam kulok, ² ama no nim en-kolalok, ba e-taŋan nim tilok, tambo endi not busuk tilok, timbi nain tuop kayombinengan kumbi, amatam gitikta ginaŋ busuk ti-semlok.

³ Bianŋan ŋak, nindi bo damaŋan ama nandi-kiliktiinji nimnat nomik ama kamakamaesi ba piŋdansi wandin kuangŋimih, timbi kolandi juluy ti-nimbi, niŋ timbi kamalaumbi, ninilok piŋŋipnilok galk ba nandi-konŋom kolan kusei kusei wolok kenan gwaŋgwa silanin wandin kuangŋimih, timbi kolan ba tambo ka-gimbitti nindok kuŋguni tokŋe-nimumbi, amatamdi nimbi-kunjit ti-nimumbi, nindi nininŋan tambo ka-kunjitta tiaŋŋimih.

⁴ Nindi kuŋgu kolan wandin ginaŋ kuangŋimih, ganmek

Kunum Yambat nindok Niŋma Tikitikenni endi nandi-nimbi,
ginaŋ kindem ba ginaŋ siloŋ ti-nimŋuk

wolonda ⁵⁻⁶ endi yomnilok miŋlapnan nanin niŋma tikeŋguk.

Gan win ninilok ep tindinŋni dindimla timbi nim.

Tambo win enlok busuk mamasala timbi niŋma tikeŋguk,
win Yesu Kristo nindok Niŋma Tikitikenni endok kenanla timbi
Dindim Woŋ tambon nimnat tokŋetokŋengan ninda nimŋuk,
timbi Woŋdi niŋ timbim jambilambi, kombilin inda-telembi,
kuŋgu kombilin ginaŋ kuamih.

⁷ Windinŋda timbi endi enlok siloŋ tambonganla timbi
ninda “amatam dindim” windinŋ nini-dakleŋgukta,
nindi endok gwaŋgwa bisalii inda-telembi,
engita papat kwambiŋgan kunenŋdok
nandi-gembilambi mandi-pakamih.

⁸ Manda kombit youtet wali bianŋan tilak, timbi win nandi-kwambiŋdalok tuop, wala timbi nak Kunum Yambat nandi-kilikti ti-ŋimaŋ endok ginaŋ nanandinjili ep tindinŋ kindem tindilok pat-semektok nandinbi, dik nepek wolok kandaŋ giŋŋinengan eni-daut ti-semenŋdok nandi-gamlet.

Timbi manda wali kindem sisinik, timbi amatam gitikta bien kindem timbi inda-semlak. ⁹Gan amatamdi kamakamasi nomik bep panjiili damasilok kosi sambat plon kasat tiangilij wolok plon e-kle-kot pa taŋ, ba Juda amatamdok e-dikje manda kimit-kleklelok kandaŋ e-ka-lamit timbi, e-taŋa-tambit taŋ, manda wandin wali tlal, timbi ama nola bien kindem nim timbi inda-semlak, wala timbi dik manda wandin wala pawa kimit-nandi nim timbekaŋ. ¹⁰Timbi no en manda kelakelamenli kikesik-min ep tambitak endi manda wandin win biuktok dik enda molo manda nain nongan nimbekaŋ. Tikap endi manda win nim biukta, molo manda nombo nimbekaŋ. Gan endi nim nandumbila, siŋgi wilimekaŋ. ¹¹Nekta, dik ip ka-nandi-daklelaŋ win ama wandin wali telak dindim win nombo nim kimit-klelak, timbi endi yom ti-ta-kulak wali timbi inda-daklelak win endi enlok yomla timbi milap plon lolak.

E-teletele manda

¹²Nak Nikopolis it kwelan ŋambi, gwi sasale nainda wandij kuuttok nandiwa telelak, wala timbi nak Atemas ba Tikikus ni-mulam dikon bi tombimek, dik gembı kopi, nakgit yousuŋdok wandij ŋaukaŋ. ¹³Timbi e-dikje manda nandi-tele ama Senas en waktu Apolos endila dik pataŋnan win bim ŋandemiktok ti-paŋgittam patekamik, wolonda endi telaktok nepek nola nim lonjindemiktok dik ep timbi paŋgittaŋdok gembı kolekaŋ. ¹⁴Timbi Taitus dikgot nim. Nindok notnii nandi-kiliktinjiat endi bo amatam plapta bianŋan tipikaŋ win ep timbi londaneliŋdok kundit ŋandin kasilelok: endok giŋaŋ nanandinjili ep tindiŋ kindem tineliŋdok pat-semumbi tinekaliŋ. Nim kaŋbi, endok kuŋgunjili bien kindem no nim timbi indauk.

¹⁵Amatam nakita pakaŋ gitik endi dika we-gamaŋ. Timbi dik nindok we mandani win amatam niŋgita nandi-kilikti nongan taŋda timbi giŋaŋjili niŋ kasileŋ enda enbekaŋ.

Kunum Yambatti sindi gitikta giŋaŋ kindem ti-samun.

